



泊翁集

夏

2388

~ 18
2451
2



4
2349₂

2451
2

泊翁詩鈔目錄二

卷之三

辛亥秋復到樊川共拈

又拈涼字

又拈橋字

章陵齋舍與齋即李見心共賦 壬子

季秋見心齋居同賦

冬雪訪見心齋居

癸丑人日見心齋居與地主南 寅老 同作

得筵字



得稀字

李石見

復 鉉

南進士

履 愚

見過賦月

遲稼軒拈韻

送金孝廉

履 道

隨上价入燕

閒吟

浥香亭小會

過洪聽軒

樂 信

與諸人作

又次聽軒韻

夏拈

投宿

次士鎮村居即目韻

驅雀兒

贈碧蘭館主人

一朵蓮花

葡萄架格

桐

瓠

悼殤女

蚊五首

閱翁公詩集仍次聞蟬五韻

壬戌九月丙舍有感

病中聽士鎮樊川詩仍憶樊川次其韻

贈千驥

贈八駿

贈三女姪

松園宅與斜川同作

洪友有書共作春遊余病不赴有詩要

秋日會飲碧酣亭沈校理錄李知縣章亦來

和呈湧金樓地主

輓台村鄭丈錄六首

次道泉

道泉拈農巖韻共賦

石見地主枉過拈韻

後集

初春石見又過

題滄海子楓岳紀行卷

卷之四

香字八十首 並序選四十四首

洪令叔度屏居樊里逢輒醉吟聊以排悶

遲稼軒與盧漢源洪晚香同賦

訪晦雲寺寺纔訖重修

遲稼軒次三淵鞍字韻各賦十八疊 選九首

酬洪篠淵 典 郡齋韻

湧金樓

臘月十五夜湧金樓

賦雪次道泉李注書 章 痘 韻 並小引

清水村居與舍弟士鎮同賦

知其所與洪篠淵同作

白園賞春與諸人作

過樊里見洪天資 世周 話舊感懷遂走筆書此

文峯洪都正 樂倫 山居

會飲篠淵齋

丹邱韓侍郎 用 鑑 歷存于金陵要遊江都

獨上燕尾亭

尋傳燈寺

登參星壇丹邱置酒于磨尼山頂待余

沁齋與李令 章 痘 作

四月十二芝汀元侍郎 在 明 與權吳李諸侍郎

過余舁巖丙舍留燕一宿同舟溯踈江

再疊

三疊

四疊

五疊

六疊

七疊

八疊

踈江歸路訪洪進士 在壽 幽居作

李戾 復鉉 郡樓同賦 李侯號石見

郡侯席與朴永平 齊家 作三絕句

余有文簞一領李戾以一詩換去遂次其韻

李令自沁齋携酒見過同作

過樊川

追次 贈持平姜公 玳 戊申勦亂後詩韻

江郊亭子暮秋

汶上暮春共拈石田韻庚申後初會

又拈徐文長韻

與地主李 儒亭 泛舟共賦

又拈

又賦亭字

又賦拈秋興八首韻

崔原父送詩要和已閱月今始潦草構呈

七月既望與地主李臺泛舟

文峯與洪菊圃緯榮三昆李菊人世周同賦

己巳十月拈韻述懷

久雨試筆

余生於庚午與汶上洪都正樂倫同庚是歲回

甲汶上寄酒兼贈縞有詩遂和呈

又以七言寄呈汶上

辛未正月將赴海役上塚辭別一宿墓廬述懷

卷之五

辛未海行錄附 隨章數則

西臺送春日陪竹里南霞二使相作

月夜上永嘉臺次清山韻呈竹里

又次前韻示李太華

奉次竹里令公述懷見寄韻

奉次南霞學士寄示豪字

雨中走次竹里令公寄示李菊隱文哲韻

會讌映湖樓

寒食次竹里使相韻示相之太華字

自釜山發程奉次竹里

將泊佐須浦夜登船樓次東坡月夜渡海

留佐須浦次南霞使相韻寄示季良 清山字

復疊前韻示清山太華諸友

自佐須浦行二十里大浦停舟菊隱見寄要和

西福寺

南霞使相作泊翁五能詩命解嘲遂和進

西泊浦遇風不得發

柑

拈陽明韻

和呈使家韻放船

竹里令公示二詩即席促和

留滯馬洲館佛日和呈兩使相

和丹崖禪師

遊西山寺 先君濟菴公戊辰信行以書記至此戶歷過是寺六十四年後余又遊此

和滄洲子

和贈瞎驪山樵隱長老

觀音院逢滄洲子共賦

五月四日次使相韻

次寄滄浪子

和樵隱長老

和丹厓

次以酌庵韻歸呈兩使相要和

失題

次寄氏江左職奉行

用相之韻賦示季良

五月晦日與相之季良共次放翁韻

次呈竹里使相韻

萬公壇

和贈相之學士二詩

見豐洲醒翁詩以二絕句求和

接對官送扇求詩

水車

旅次排悶二絕

和贈負暄禪師

渡海行

遊以酌庵

又次絕句贈丹崖

六月十一海岸寺納涼

樂船

夜宿舟中

二十日發船

馬上

句

辛未九月十日呈松園要和

奉次楓皋公梅花詩與字五首

附短牘

奉次松園尚書見寄梅花詩和楓閣韻

並書

奉和斗室沈相公怪石十二韻

乞酒松園宅

辛未病中聞官軍出征

夢樊川公

清遠亭秋日

汶舍洪孝廉三昆季同舟來訪畱宿酣飲

清水村舊舍有感雜絕

次春樹樓趙

哲永

韻

送別申紫霞

緯

八燕

送柳貞碧

最寬

隨价八燕

奉答松園公惠酒

並小記

再疊

文峯與汶上

洪都正樂倫號

翁同作東役後初集

復拈宋人韻

輓金尚書松園公 祭文附

金明遠 照見過

有感

讀雲臺詩輒追寄趙羽堂 秉鉉

聞明遠拜峯官居邀晚兒共賦十詩遂和寄

次贈李孝廉 啓字

趙洞天 乘璜 來與之賦詩

洞天歸後有餘紙漫寫

酉堂金尚書 魯敬 初度臘月十七日見招有詩

次陶雲汀百花潭韻畱示權晶山 名永佐 字左衡

三月三日 舍妹祭日

與鄭彌山 滿 赴招華溪

次呈李尚書 堯憲 送酒絕句

南鄰諸友共至遂開韻命韻

和李聖鄰 昂臣

仰謝楓皋相公惠扇

洪天賚鄭清夫見過同作 菊人字天賚 隱山字清夫

次趙奇玉 學琦 韻

和寄李紫琳 鼎賓 韻

陪楓閣遊玉壺洞

竹石徐尚書

榮輔

寄示梅詩即日和呈

洪今軒

樂有

偶過口呼

無題

柳檢書

本學

過同拈

斗臣自牧場來拈韻海役後第一吟也

具綾山

行遠

李絳茶

祖默

見過

沈小楠

能淑

為泰仁宰寄詩與酒錢謝之

永明洪駙馬

顯周

海居齋畫集

泊翁詩鈔目錄二終

泊翁詩鈔卷之三

完山李明五

士緯

著

辛亥秋復到樊川共拈

不料生眼拭雙青今日依然雨滿庭
漠若干季須酒熟真堪一死嘔
詩馨偶憑苔石同醒夢靜聽松風亦語形
數疊晴巒雲影幻錯看戲墨點虛屏

秋來踈鬢不餘青苔跡斑斑踏舊庭
江海未收明月魄亭臺尚住落花馨
前遊夏好魂交夢舊詠雖多影贈形
東社重修虛一座玉川佳句寫金屏

池華紅褪水空青我不來時寂寂庭
推與全枰心界活

留翻內典指尖馨
貧來濁酒成仙骨
窮後奇文八鬼形
衰颯先看螢火冷
幾何收扇覆圍屏

歸夢故園喬木青
佇看喜色上天庭
先生會處元真率
天下誤來誰寧馨
古砌松虬還赤甲
踈籬杞狗化蒼形
不堪世態移朝暮
耐住雲烟八疊屏

山莊信宿見山青
披拂閒雲散戶庭
厨雨芋羹分夏劑
簾風杭酒引春馨
竹淡王子清涼所
蓮退張郎嫵媚形
床角快談除老暑
琉璃欲掩雨中屏

又拈涼字

同遊鷗鳥夢悠揚
清簟元來似水涼
秋響易搖樹因屋

雨痕全沒土扶牆
僕猶多恨酒邊瀉
公欲無名山裏藏
更比前遊添白髮
未知吟哢幾季強

雨裏相過衰鬢揚
高梧淡碧逼人涼
屐聲橐橐青苔徑
巾影鬢鬢白石牆
暝架松森奇鬼立
荒田瓜敗老狐藏
不堪模寫秋懷細
筆舌季來太木強

對硯青山眉色揚
蒲團打疊一牕涼
竄風鼃跡雷過屋
寫雨蝸涎篆滿牆
書眼全衰猶一疋
酒腸半吐亦三藏
定知床上多憂疾
通夜睡魔不敢強

自知使酒醺還揚
吟骨如秋但稟涼
嵇阮之間無大戶
曹劉以後盡低牆
平林流水還輕出
虛谷閑雲已善藏

自是繁憂埋地窄較來萬斛亦云強
檐雲鋪作豆稽揚燕子橫飛不耐涼醒後秋懷搖似葉
吟來花骨兀如牆盡翻雨色應孤注半失年華孰慢藏
庭畔老梧頭盡禿西風一陣是何強

又拈橋字

燕子西風別意搖洞天未肯放晴饒偷回斜照盤陀石
慵着纖雲略約橋青果未甜彌子口老梧全瘦隱殘腰
百過未敢辭重繭乘興何須折簡招
長歌霜落皓頭搖樂在清泉白石饒眠裏古刀倚青壁
醒來叅屨墜虛橋如禪老樹臨溪影似畫晴峯抱月腰

大界善男多落拓酒船普渡急招招

蒲葵扇子懶不搖却說津津野趣饒鏡柄數弓營菜畝
釣絲三尺度溪橋莓苔終蝕談龍舌陰雨先酸墮馬腰
我與浮雲閒處宿大山招後小山招

專擅清區彩筆搖平泉何羨李文饒二松似語初傾蓋
孤鶴如期已在橋黃卷流芳頻盥手丹方諱老尚懸腰
歸應無惡留還好去豈麾之來不招

章陵齋舍與齋郎李見心共賦

壬子

不堪雙鬢白繽紛黃粟畱音又八聞天將浴佛行踈雨
客欲看山歛宿雲落盡奇花詩獨在倒來名酒路難分

漫勞乞米模真帖堪笑揶揄任細君

季秋見心齋居同賦

良宵風露可人清山徑騎牛苦不平罇插黃花蘇病色
詩題落葉半秋聲巖泉滴滴通心細峯月娟娟八目成
醉後塵緣都掃却不知烏帽是何名

浩蕩清江十里村華顛詩事與誰論白雲不斂瞻仙寢
清磬依來認佛門伴直情緣花作客移居歲月竹生孫
未堪肺疾秋來甚菊下芳醪一盞昏

寬赴幽期始出村水邊林下此心論蟲鳴世事徒虛壁
葉落秋悲欲掩門清醉祇應酬石友狂吟不復寫雲孫

千章松櫪圍齋舍白晝回疑已薄昏

晴江喜與白鷗遊又對山中螢火流清霜吟晚黃花院
細雨漁歸白板舟隻眼病餘猶愛月剛腸老去不悲秋
齋官慧識窮天下倘記吾家有子由

少時喜與酒人遊老去閒看江水流遐踪未躡匡廬屐
危道重經豔潏舟清談只可消良夜華髮偏宜管素秋
秋裏牢騷多下淚茫茫下筆不知由

窮人契活也堪憐收拾秋光滿硯田孤嶂愁來霜集鬢
虛簾醒見月留肩出林幽澗當清磬在草悲蟲付促絃
且寘世間多少事與君肱枕做酣眠

輕薄烏紗冷可憐池華尚說葉田田客將好句青雙眼
僮借奇書頰兩肩我是恨人多楚曲君曾韻士拂牙絃
今宵詩令何寬放客得燈前枕手眠

冬雪訪見心齋居

吟苦撚髭短才華盡似江銅魚夢何郡雪鵲語寒牕晚
計存丹鼎奇緣托酒缸寥寥我去後梅樹坐成雙
借看郡齋畫幽居亦水涯斷雲依澗石踈雪覆庭槎酒
浪浸來竹文星現似瓜從君佳趣在待臘咏盆花

癸丑人日見心齋居與地主南真老同作

喬木空庭古畫如徘徊遐想月升初梅花漸澹慵無句

燈火多閒老廢書自得南侯狔弗吠還煩李令雪頻除
窮居但識田家樂差喜新詩已夢魚

得筵字

輪迴設麪似齋筵關雨林遊斷復連架插誤抽訶媿鶴
椀蒸偷舐惱含蟬早逃黑業徵真偈晚學朱文認嫡傳
鏡裏玲瓏雙鬢雪方知是處積吾季

枕藉松陰作翠筵醒來衫袂澹霞連厭看雲影還成狗
靜聽琴聲變捕蟬飲少子瞻方妙理詩奇山谷是單傳
知君百事同前輩更剖竹符當卯季

侈几瓊樓叅內筵靄雲中半壽星連未堪蘿服還鳴玉

叵耐冰啣夏珥蟬香近延英新月動鍾稀長樂細風傳
金輪佛偈煌煌錄夔祝九重千萬季

得稀字

大笑相看華髮稀定非樊墅我焉依玄談疊疊三經席
仙骨珊珊一品衣蟬咏遙追虞伯施御圖重榻陸揆微
却噴詩債如薪債妻病兒啼不放歸
三十季來大過稀玲瓏淨地可皈依貧來白石惟當飯
窮後明珠尚繫衣塵債未逃三劫重靈心終隔一絲微
怪來一種西洋學非佛非仙底處歸
飯若蒸沙羹又稀畸人生事轉依依白肥籬瓠終何食

青瘦牆蘿亦自衣文續正聲今下墜家傳屢葉亦中微
窮途遮莫愁乾沒泥滑滑啼不得歸

村中好客本來稀與酒相親德是依杞狗經季應吠影
屋龍未雨已更衣晚回衲白鷗汀淺遙點樵青兔逕微
靈心不與槐根老耐看蕭騷落葉歸

可與語人天下稀蒼松白石老相依異書艱覓藏蘿幌
奇士陰求到葦衣英氣勾回秋酌動道心間斷夕鍾微
鄉愁寄囑簾間燕汝未歸時我未歸

塵間遊戲識余稀自指文星末照依林咏清香畱客座
山談碧唾滿僮衣荷花明澈霞痕淨蕉葉通靈雨點微

嗑嗑西樓傾一榼啼禽莫道不如歸

古來作者賞音稀閑裏文章做七依姑與清歡浮蟻盞

劇知衰氣泣牛衣三生已悟傳無盡一死何堪敵少微

詩草分酬如鬪草投之芍藥報當歸

李石見復鉉南進士履愚見過賦月是夜十四日

也

指點些兒桂樹邊劇知圓處未全圓靈丹蕩漾將還九
彩壁玲瓏不值千縱惜謙光時自益猶嫌涼德寵無專
使人欲悟乘除理宛轉中天揚影懸

遲稼軒拈韻

未遣閒愁徧倚楹生因大歇悟因生溷茵貴賤千花落

天地文章二鳥鳴眼惜輸贏俱可喜心虛榮辱更何驚

休休觀世如斯足叵耐吾曹未忘情

松涼且可取西楹閑處愁根併日生勳業平停三雅老

文辭突過一夔鳴滄花定被頻看惱怪鳥猶為屢度驚

縱覺浮生為寄物桃萍無跡不無情

仲夏山莊物事奢軟紅那復踏東華泠泠聲律巖頭瀑

蔚蔚文章雨後霞錦樣綠陰全裏屋珠論紫菓大量車

前人豪侈須添記不讓弇園筆吐花

窮人心事四時淒意到何曾待赫蹠陳子豪情投井轄

顧生苦癖去樓梯長箋月裏全堆墨大盜花前屢坼泥
一鼓詞垣全屬漢鴻溝未敢割東西

漸覺浮生到老稀如今白髮亦光輝雲霞掩翳山無改
花藥離披春又歸貧亦何求成蟹舍窮猶不趾卧牛衣
只圖過去留餘跡墨瀋紙堆牀一圍

雨歇清遊始可諧看花以後破麻鞋孤庄萬斛溪流瀉
晦刹三义路草埋特地玲瓏拈起句半生寥廓放開懷
知公昔日還愁絕待漏頻衝十字街

送金孝廉

履道

隨上价八燕

稼齋行後壯遊能關外青霞奇氣升萬里山川鋪雪錦

千季王伯轉風燈較量觀史眉稜展邂逅逢人筆舌增
遮莫裁詩揆勝槩幅巾遙拜 毅宗陵

閑吟

香篆烟籠繭紙屏稚兒攪睡罵寧馨遠懷淺立春風澹
病睫痴開雨嶂青榮悴劇知翡翠羽文章近在牧丹瓶
牕蠅弄脚看微晒悟似絞繩從字形

浥香亭小會

綠池春賞晚來過是夕吟多酒復多清聖一間將實我
白痴千態合輪他殘眠先破夏羞月沉醉不知還問荷
曾有顛顛如此客浥香亭主亦婆婆

纖雲點綴住高歌苦惜良宵最易過病眼慧猶謀白月
皺顏痴欲問清波唐真蕩矣詩情麗阮亦窮乎酒徑多
把看蓮心通七竅欲稱花聖爾云何
可道鬢毛正色蒼晚花多種映村庄全迷廣界蜂穿紙
後悔奇文麝噬香飲器一生那可學遊鞋五嶽易為芒
商量還是無邊際露葉垂翻月過塘

過洪聽軒樂信與諸人作

飽來麥飯願無餘拄杖無忌獨傲居癯骨津梁疲已甚
狂吟草木使難除山家老死都非是時輩喧名竟若虛
松筍酒濃頗可愛教吾滿腹下奇書

紛紛華髮是吾餘公亦能安老屋居未使生天文底用
寧圖作佛缺難除窮緣屯相回頭貴貧自登季負腹虛
此句以前皆故我醒應未解作何書

使得稀季後幾餘未言巖壑不稱居飛蟲見月相忌夜
幽草隨人自到除酒力能推孤悶去眼花不與舊觀虛
諸家不待吾分雪常欲云云各自書

一笑逢君生有餘如非酒盞樂奚居身叅天地窮何棄
氣放雲霞老未除夢兆徒求甌上溢足音聊試谷中虛
如今顛沛先知命却怪前人咄咄書

相看言盡意還餘未耐艾人傍戶居使我不孤新月在

與鄰何惱舊杉除才名噉盡饑無救宦跡尋來夢亦虛
空洞惟堪多貯酒腹中老去已亾書

是身自看等雲孤着處清吟未可無魔豈皆猜猶好事
鷄如不笑未雄圖山從我愛長相見月與誰親不待呼
最是留人多款曲何堪皮相缺唇壺

流水逶迤松勢孤此丘誰似我遊無偶如陶令斜川景
尚欠元章淡墨圖付與幽芳蜂自鬧揀來美蔭鳥相呼
地偏心遠皆堪隱戲劇何煩共八壺

劇知村酒德還孤暑困添蒸未使無我輩元多河漢語
此時端合北風圖悶看慢慢榴低色差賴惺惺鸞快呼

束帶只堪除妄想想來逾熟是水壺

宵霽益知江月孤千酣全使霽峯無一園蕉葉空函札
半缺松籬省筆圖捉蝶小兒能閉影數鷄癡僕錯連呼
名心未免隨村俗不怪得來長柄壺

又次聽軒韻

餘戀道峯晴滿簷臨行更捲夕陽簾林如宋畫青蔥密
荷似元詩淡泊纖雨罷歸心清瀑息春過老眼怪花添
如教隔竹呼相應欲結草庵頭出尖

更拈

賴是高陽酒獨宜茗茶異色到窳知錦紋蝶現填詩艷

綿樣草圍遷坐遲情死片肝終不朽憐生屢牘更相移
周旋作我君言戲明月云多念我時

恰得覆肩霜髮宜大家詩事寸心知行蝸粘壁流涎細
刷鶴當空矜咳遲庭樹溜青巾角墊溪沙蹋白杖頭移
狂吟恐忘歸家日只限榴花半落時

孤抱縱橫百不宜君言最是勝吾知倚來玉樹蔽何賴
把與金針繡莫遲皓首頻猜明月八芳心多惜綠陰移
榴前慎勿添淡酌怕被嘲狂醒却時

春來種菜合時宜真箇經綸未許知物議未平惟待定
吾季餘幾且須遲永依西佛饑難負重到北山文孰移

每被見寬頻使酒顛狂還是不多時

衰相駸駸共處宜枯藤短憤托淡知縱云地大埋憂窄
易遣河清發笑遲命駕同然千里至論文依例一罇移
閒中成就詩當磨細記今風昨雨時

石竹尖明雨退庭磨來山日十來零一生斟酌心如水
千古秤量眼似星薑鼠智搬盜地負醯鷄才弄獲天經
殘生窄世流離久安得顛毛不化青

曠土傷時久立庭榴花解與涕交零淡盃洽是及時雨
衰髮踈於傍晚星蝶紛何由移卉譜燕泥無意墮禽經
披來異錦沈腰瘦措得狂華阮眼青

浮陰妨却晒花庭何處風禽細毳零出仕未擊丞相日
歸農惟覘丈人星霑眠菖酒高春起負咏藜筇近局經
新句成來同子舍恐教藍本更勝青

誰教閉我雨盈庭爲看香箋彩墨零濯以文章回錦水
揚之糠粃借箕星健如難得當還朴奇亦何爲易不經
一語頂針無所惜空來妙訣但囊青

但教晴嶂滿階庭已遣塵緣雨灑零竭海詩逋追十日
薰天酒德聚參星村盤禁麪丙魚至客榻私言乙鳥經
使得醉吟同立傳留名勝殺竹皮青

飲似飛川灌洞庭詩如瓊屑不殘零終知此事多因月
可耐吾生易散星不約賢豪俱合酒何求仙佛尚留經
靈心索解從前少終曲空教峯色青

山鳥來啼更幽庭難將小句慰飄零憂愁判醉須千日
生死爭名只一星戀戀風花懷袖入顛顛雨蝶几床經
縱教信宿終歸別從此柴扉掩蘚青

茄花寂寂做空庭夏事無多踈雨零寫恨暫教留鬼錦
逐窮安使護奴星茶鐺耳亦憂頻咏藜杖眼應知屢經
粥叟遲來多敗意麴生留得拭眸青

己遣芝蘭映一庭不憂華髮更凋零人間自有大宛馬
天上誰看南極星閒地詩篇新得格暮季心事欲傳經

涼風踈雨二宜去斜照晴峯一抹青

野鶴幽踪易度庭榴花別意耐還零贈來團扇遮塵土
畱與尖毫繪月星窮道易將雙淚下浮生欲辦百回經
詩成惟信樊川眼捲送明朝抹紫青

投宿

土銜徒旅集紛紛纚解脛渴睡混死生惡卧交頂脚笑
他鼻息鳴殷壁殘燈爆更使何人笑俄頃渠還作

次士鎮村居即目韻

穉子讀書箝在口纚過騎腹溺臍時儘教一鑿通靈竅
草木蟲魚自在詩

老父迷蹊彈淚來汝墳無數草花開辛勤欲訪真消息
斜日空看魂蝶回

老鷄秋卵又成雛歲色從收菜莢枯隔壁厨簾風脚動
纚言醋罄又鹽無

黃斑菰對紫紋茄彼界我疆齊着花老婢喃喃耘始了
暝炊辛苦抵蒸沙

翁公小品笠翁傳收拾靈心似散珠手扇停搖翻紙葉
矮簷殘暑霍然無

高車載襦餉朱門奇貨多令老智昏爭似宗人分似處
紅犀苾子大於盆

迷離因睡思方枕卓午低簷草氣薰頓悟形骸爲外物
死拋螻蟻活拋蚊

蕉葉空階衰萎地蘭芽幽谷老爲薪秋心大使槎枒出
從此堪親酒盞仁

倚欄多在夕陽時獨鳥織雲我得之結搆現成交手勢
尖奇未屬腐毫遲

一生寒熱遞如瘡榮悴雖殊共一憂村老時逢如郭禿
諧談揚肘笑休休

近揆洪二滯京師文彩頽門賁飾不當日牧丹人取去
何園富貴又秋愁

耦山之李雙山金技癢難禁蟲鳥吟約我布帆乘月色
誰家罇蟻綠沈沈

驅雀兒

我黍炊飯香滿口我粟釀酒清到臍不念我家盃椀空
各自枝間飽後啼

石田崎嶇無餘力旱播雨鋤可憐人車前覆粟如珠撒
何不去啄說真真

撐揭偶人斂簑笠纔得開口山花歌昨日鳥疑今復下
還向偶人笑罵多

只願黍粟生針芒一啄傷吻滾倒渠畢竟春磨兒不管

我家丁男力有餘

兒未來去鳥去來羣飛黃穗一半除今季未熟逢嗔死
明年種黍無鳥處

贈碧蘭館主人

柳枝鸞啜夢全賒梧葉蟬嘶意未涯得酒良宵勝有月
非詩佳境似無花世途九曲折吾屐人海一漚浮爾家
奇士異書如不遇名山未老共餐霞

一朵蓮花

香質輕盈態有餘胡為獨向泥中居高陪帝座紅雲以
閑泛仙舟綠水於片玉修成生魄兔一珠啣送結恩魚

憐郎恰好將渠喚一種情根死未除

葡萄架格

草龍不雨掛崇朝庭竇離離露未消閒弄玄珠換得海
遠携青玉擲成橋欲酬清德難容口不換涼州免折腰
添寫文章九華錦千秋悵望漢槎遙

桐

獨繭商量媿碧梢希音踈雨滿虛郊解傳銀浦牽牛信
佇望丹山儀鳳巢纔可揮毫題絕句戲將酌酒勸新交
周王想似若干尺取作封圭勝柝茅

瓠

狀如囫圇畫靈雷六月何堪早斷來犀潔却教利齒妬
身懸詎忘敗船迴雅音未用明堂器至樂惟當陋巷盃
不食何能肥似此出青枝蔓未曾摧

悼殤女

月虧他夜滿花落明季開汝死無斯理吾何不作哀
眉眼轉依依嬉笑逾歷歷形忘神不忘此淚一生滴
圍屏偷照鏡緣檻引折花約眉花插鬢春色向人誇
睡後苦多啼百好一不弄始知非壽相浮世不如夢
汝生大千世恆河有一沙今作須彌塔重重情所遮
彈指為渠祝再生轉作男作男我安識妄想百無堪

骨肉還父母汝獨向何處忽忽今世緣不將恩愛去
宵如渠望我忽如我忘渠相見無一日痴心望居諸

蚊五首

飛揚草昧起昏暮每期門麾屢肱應折毆虛拳不尊穿
胷罵底憤歎血誓何言一榻隱如敵教人坐未溫
戶庭么麼物嘍喝禁人行急報披帷怯虛聲撼壁驚膚
應金粟幻鬢欲白霜生團扇揮餘手頻煩計暑程
雷音徵急雨雲陣導微風食肉經營鄙文身刻畫工攻
熏策未下課睡考難中辛苦遠窓白壯心翻作翁
無悶盤蠅集始憐禪颯遊肩山撼不去血國破應休今

夕苦如海是心孤似舟任渠弄七尺羞汗不勝流
蕭然機事歇但坐誦經長共掠股肱郡分圍枕席鄉未
支縈帶苦寧受撤簾涼草檄情誰手毫端凜挾霜

閱翁公詩集仍次聞蟬五韻

隱几自蕭然踈陰鳴一蟬虛心從塵落圓性易推遷感
作夕元會爽爲秋大全空林影翳翳寂滅竟成禪
萋萋山逾迥冷冷樹欲踈頑根應寡和潔癖豈羣居落
日終何已清風自有餘誰言口不慧人外吐玄虛
貂啣非宿願螂捕詎知音熟界情偏冷芳林氣獨森故
人生遠意少女尚哀吟塵累並忘殼清虛每索心

渠應知妙處斷續未能休自好千峯夕先憂一世秋奇
男豈欲靜高士不曾求最得天時感悲腔似急流
是非緘口默哀怨訴心寒自叱清風馭誰傳白露餐性
虛寧受觸翼薄不堪彈因汝圓通悟低吟弄細翰

壬戌九月丙舍有感

平生過境夢俱虛葉落蟲鳴不出廬碧酒初醒江似鏡
白頭偏照月如梳菊衰已了今秋事鴈度難逢故友書
鄰艇笛聲寥亮起爲誰淒切却愁余

病中聽士鎮樊川詩仍憶樊川次其韻

命帶桃花春不違依依蝴蝶去年飛企窓病脚仍忘履

貼席離心似委衣山近白雲過面去樓深清澗洗心歸
如教酒所元無我未使虛驚雀啁扉

贈千驥

頻勸濁醪沾八脣村盤菜色見情真精神已是清還水
文字端宜淨掃塵雲意經營翻作雪花心含蓄放開春
常言酷似吾何喜雙鬢皤然潦倒身

贈八駿

應門驚喜甚眉目見雙清抱犢青山色讀書春澗聲風
吹奇翮動林邃異花明茅屋貧猶樂真憐病妹情

贈三女姪

生來茅屋裏三女自嬌嬈不乞穿針巧肯教吟絮飄渦
圓迎舅笑蛾細學兄描家貧婚嫁晚汝母髮根蕭

松園宅與斜川

缺二字 同作

已是負佳節黃花不復開秋風吹酒盡明月與詩來我
遣漁舟待君題鴈塔回脫巾較霜髮歲色莫教催

洪友有書以花盡開少麴醖醅河豚亦烹共作春
遊余病不赴有詩要和

多情洪進士邀賞碧桃花鵲釀霑唇戀魚羹染指誇江
長吟不極春老鬢爭華病咳負佳節漁村十里賒

秋日會飲碧酣亭沈校理 銖 李知縣 章 厘 亦來

高秋襟抱不勝清一笑澄江縞帶橫
憂憂苦吟蟲息響森森短髮鴈流聲
聞來黃菊稱賢弟醉後空壺喚老兄
劇飲重陽前二日並除寵辱不須驚

和呈湧金樓地主

傳道金陵佳麗州使君况是儘風流
煩催好句還甘愛却被芳醪每苦留
楊柳參差沙上路朝霞隱映水邊樓
回看宿處餘清景山鳥從知有後游

輓台村鄭丈

鐸六首

與公託晚契每醉楓樹下今日青楓樹
雪花作淚瀉金陵耆舊盡望若魯靈光
不識後生輩誰能繼躅芳

潛

叔度無行蹟季野有默識海東隱逸傳
有公始生色高山榻屢解清水座頻虛
從此甕頭酒生醖與相獻聖世少徵士
空山澹不羣酒盃終不亂翰墨自生薰
清濁情何失程朱尊所聞平生無媿事
誰手換碑文山林經術慕先賢虛負初
心過暮季可惜文華違世用偏憐儒雅
得家傳垂名未附青雲士乘化仍歸白
日仙北海尊前三十載如今對酒涕潛
然

次道泉

荻花滿漁艇閒望八清秋誰使江湖闊
我爲鷗鷺遊澹霞收北垞明月在中流
已覺灤田熟芳鄰酒可求

道泉拈農巖韻共賦

散策溪雲亂仍敲松下扉
暮聲留二屨花影照單衣
秋病觴稀舉閒愁筆懶揮
從今來往易黃犢一鞭飛
每起相思處清蟬自送聲
蒼松憑遠眺白鷺引閑行
孤憤有封事遐情不入城
招邀多洛社衰白媿詩名
白髮不須鑷秋光到幾分
交遊從落落風雨劇紛紛
窮處過東野孤吟待子雲
惟將溪上月清夜獨尋君

石見地主枉過拈韻

苦惱銅章尚繫衣使君詩寶透靈機
花殘酒盞春猶在潮退租船夕未歸
竹自生風飄粉細菰纒浥雨吐香微

更教沈約來鄰曲樹底幽禽不遠飛

後集

碁罷郡齋夕重逢喜似初花飛
從此老竹綠使人踈少日詩輕作
平生酒不餘留約南池上紅蕖
暎我裾

初春石見又過

登樓初試脚江色正堪憐
雪盡荒蘆澤春生宿麥田
高歌散白石盃酒八青天
太守乘清興烟雲一紙賢

題滄海子楓岳紀行卷

往歲遊金剛題咏徧流時
一萬二千峯盡入奚囊裏
歸來同社人傳示相驚喜
嵐翠猶滿眼琮琤尚在耳
名山

似佳人夙緣却復起遐想生碧痞命駕輕千里草木知
咳唾魚鳥記名氏看山如作文重遊有妙理悟處皆奇
峯迷來爲死水未撰好記述何殊鑽古紙吾今贈此言
滄海是奇士

泊翁詩鈔卷之三終

泊翁詩鈔卷之四

完山李明五 士緯 著

香字八十首

並序選四十首

如是我觀被窩裏蠢蠢作一病裸蟲矣咳寒如
鶴涎枯如蝸如蟬不食如蚓不飲如毛間之刺
痛如瞌睡之昏倒備諸蟲苦與人幾希精神如
一絲但未亂耳每想東社諸公文彩風流照暎
東山黃冠野服芒鞋竹杖澹蕩之遊真率之會
今日樊川明日晦溪花下鳥絲溪上羽觴晴雨
俱佳林巒益勝坐處生香唾處成珠濃淡均適

之樂徃來簡易之狀歷歷入想如鏡中之象心
已了然如水上之影手不得把宿昔悵然復依
香字韻聊寄托焉情障綺語障終未斷去乃如
是矣藥石之間靈性烟浮慧識塵坌思或滯而
且寘手或滑而易成得八十疊而止都是冥搜
暗索几煩枕悶死心宛轉而已其對壘貫勇英
氣蓬勃不可得矣方其叫痛互作如蠶之抽腹
緒未窮而不已呻吟遞發如鸞之弄吭音屢變
而不休又添二蟲之苦焉嗚呼緒已斷續何可
爲玄黃黼黻音已寒促何可爲宮商鍾鼓哉使

之村機縫可也使之土缶聽可也今春恨不能
翱翔於樊邱游泳於晦溪故東社之會模寫爲
多附以自述昔李伯時畫西園雅集彩色絢爛
如坡翁烏帽纖悉無遺又聞海上靈犀見物輒
形諸角如壽星扶杖宛然成紋玲瓏透徹併爲
傳世寶玩今此塗抹彩色不足未能如伯時三
昧之畫奇文又不如靈犀千年之通是又可恨
矣僧貫休臨水自寫真以足羅漢之數以此爲
例附以自述云

曹溪流水本來香遊計花零已入房間界遠朋來夢數

衰徵稚女引情長文章大道醯鷄口出處徧方瓌蝓腸
運木搬柴皆妙用遠求何必破鞋忙

閒知艾納久爲香緣檻山禽信到房膚慢多毛春瘦甚
顴高偏皺千眠長花開底處無新語酒後何人不好腸
葉葉奇書無貫筮白頭藍抄鎮成忙

無情似蝶已收香向老如蠶自葺房殘卷引眠寧計頓
枯筇倚病不須長婢村未怪漢兒拜交絕難堪俗子腸
買赭買釵當嫁女家人爲底自多忙

病似薰爐寂復香晚來窓扇呀開房寬人柳色帶圍緩
悅我山容眉約長老去自循蒜子髮悲來誰拔蒺藜腸

村吟欲趁炊彫熟釘餛同排韻字忙

每讀仙經手判香近知妙處勝君房花飛輕薄青春瘦
燕語支離白日長小酒遲人酸澁齒殘詩供客苦回腸
鬪頭夢裏從誰諾慣聽呼茶習性忙

我已無言花自香病間書帙欲填房李雖多子姓無得
緯但美髯才不長當世可觀驕吝色平生不作伎求腸
哦詩添却牛齧疾霎地神明吐納忙

將欲排當花藥香草堂先作是阿房瘦因母恚偷吟細
傷爲妻規戒酒長佞佛何煩金布地結交須耐鐵支腸
生來何處死何去還向吾心索我忙

死心無賴祖洲香醉隱堪從壺裏房卿自愛卿妻亦老
我寧作我友難長芒鞋已驗經危足藥臼先知受苦腸
惜噉漸多旁出味元脩菜種雨鋤忙

心似揚灰無點香勃窣兒女一間房藏啼強作纏綿久
失學難爲覆蓋長小說可諳天下體清罇直見聖人腸
不知前事還爲妙行蟻紛紛未雨忙

病裏還愁社甕香悠揚夢蝶暫離房嘲無可解窮惟極
物不能裁傲己長高士千季應隻眼快男天下豈多腸
幽居不立閒文字一樹飛花向孰忙

麝歸何益草畱香龜老猶堪荷作房索索奇男靈氣盡

曉曉季世語言長誰饒藥石間關命自媿錐刀齷齪腸
遠想分明如水影情人書跡把開忙

經營小句拾春香兀似慵眠闔戶房此道漸如江水下
古人偏與夢魂長衰從車敗丹收輔悲耐輪過血破腸
飢歲蠲租聞漢政我私黃麥割來忙

席有餘珍坐有香逢花輒詠老文房似珠靈性難跳定
如酒芳年孰瀉長畫杜每愁非正面塑程偏喜有真腸
免爲傀儡末場笑收取桑榆仄景忙

江村投老宿心香已負丹經九籥房挑菜蛄奴些子雜
接枝牛奶過人長青霞酒氣非常態流水文心不腐腸

花影已歛閑課晚來禽小帖掃來忙

偶如劉子愛焚香多媿郭生慵掃房風絮冒簾留自靜
雨花粘屐去還長書從懶祭仍圓法酒引猩狂奈慧腸
巖谷採詩成一束晴窓倩寫半行忙

春愁百結似丁香厭看藥方多貼房酒戶柳風裁幔剩
漁舟桃浪使篙長蝶憐塗粉名姬性鸞喜調笙蕩子腸
明月好將幽夢去樊山樊水遍尋忙

除非蕕臭即薰香天下先知不出房貴賤終當同就盡
悲歡可使獨能長蟹奴附勢有行脚螿子營生右繞腸
世態區區看盡處怕渠知笑扇遮忙

遙爲南豐供瓣香晴光灑翰竹間房久離芍藥枝應大
小飲葫蘆柄不長病裏青山空拄頰餓來奇字好撐腸
英男伎倆知何限一段同歸老境忙

掩鼻頻挑半炷香牛欄近接讀書房菜憐園子求根益
鹽許醜郎討價長晚覺風柔春柳性明知鷗澹夕陽腸
行將硯席侵花寘迎合家僮好事忙

巡園竹粉惹衣香白石爲磯是我房翁和閑居心界澹
兒教急就筆花長情人陰憶多藏腹小酌陽狂不易腸
霏微數點沾紅藥知是小龍行雨忙

坐令蜂蝶竊園香春服看輕閒掛房眼慧還知流水皺

髮靈強記去季長當場怨醉元醒語賞句猜才是愛腸
病後追吟填過景如花被折夏花忙

落花試步欲生香開戶未知誰掩房仰看白雲情不遠
閑聽黃鳥韻逾長晉人愛竹多踈節貞士憐梅太冷腸
嘉樹敷陰堪醉卧不謀新綠婦簪忙

亭午纔聞煮麥香小义哄動每厨房春中熟睡茶功薄
病後佯聾酒債長偷取朱黃兒點稿閑工四六弟搜腸
林鳩爲底偏呼雨濕盡毛衣却自忙

隔壁如聞句子香弟兄分住兩頭房拋書白日逾知永
捲幔青山復看長選竹誰能多健脚洗梧我亦暫清腸

多情東社投成藥草率栽書道傻忙

久渴近澆茶灶香陶瓶姑許借鄰房剖魚尋素交遊遠
養鶴添丹卜築長衰境看蕉知妙喻畫前成竹悟奇腸
子雲後出還堪畏藏拙吾文手定忙

牙後新吟儘好香可憐酒病活埋房扶持春事山丹小
慰藉詩情野綠長向老未能拋愛境送人今已作柔腸
雨中虛白非晴色笠屐東鄰先借忙

庭梅閒較在龕香鳥喚梳頭病起房隔雨漁歸如豆小
斜陽鷺立似碑長潮聲聽惜多圓夢山色看慵已滿腸
詩境本清愁客擾不妨中着落花忙

淨癖未除每蓄香借梅稱屋改村房病中免缺關愁少
榻外鳥圓許睡長客有堪嘲時飯糞神無可惱但蔬腸
人情尚憶青春速戲劇楊花作雪忙

佛會多年燒我香硃評藤軸散堆房庸中生妄羞元美
腐後爲奇喜子長白日未臨親肺腑清水獨貯別肝腸
人間義氣須高唱萬曲如閒一曲忙

東遊社飯一匙香能憶今春養病房愁比落花都許散
情隨流水共爭長壽星扶杖多生角仙宅昇空獨拖腸
不遣文殊來問疾桃紅遍地幾番忙

每歲相思著述香桂爲中棟葯爲房千篇出色花前細

高話更端酒後長未見其人空有位已知卿輩可容腸
擁書只取山中樂喬木雲菴歲月忙

枕却奇書睡更香閑消麗日照吾房花飛誰惜爲經紀
鳥語何猜有短長舊覽熹微如賣眼前期索莫每鉤腸
玉川近住洪厓宅金茱屏風醉莫忙

夢裏瓶花鼻息香大床蕭灑抵禪房奇談自倒冠先鱗
傲骨生稜帶不長盃爲戒淫模爵狀筆能搜險透羊腸
老來畏日兼憂雨八夏松檐補葺忙

澹蕩風來聞遠香騎牛出洞穩如房渚田種荳蘆芽細
沙港移荷檉葉長迎曉酒醒方解襪送春詩就又銷腸

靈根自惜從蕪穢碎務山家分別忙

山居焉用甲煎香日日燃松赤土房揩盡雙青開復翳

搔來踈白墮還長雨窓早晏看猫眼泥壘綢繆惱燕腸

明歲老應今歲異何人戒飲亦關忙

清明又是捧茶香上塚儂如問寢房王粲未收千卷散

緹縈安在五男長豈聞廷尉平反案敢道相君刻薄腸

父子再緣祈萬劫痛知今世劇忽忙

遺藁他家拮拾香忍言劫火已燒香兒無塗乙今猶緩

世有摸揩孰最長或見同題多顛肉每思亾篋又崩腸

故交零落將誰示賴有樊亭泣把忙

牡丹供病一枝香瓶史東皇記在房居易文章吟不易

仲長田宅樂何長已經變滅烟雲眼更耐盈虛水月腸

箕斗縱橫皆失次雨間曬麥集千忙

宋洞殘花偏覓香元家奇帙苦充房性靈如雨先踈放

筆舌同河大廣長冷局智愚無善着淡罇清濁不平腸

字呼汝亮同陳亮潦倒奇懷一第忙

令人幽絕雨中香未愛苔錢塞破房峯遠類雲看欲改

逕微從草取偏長荒池來浴鷗隨意殘樹還尋蝶戀腸

春去作文如送客篇名太息寫情忙

洪令叔道屏居樊里與余清水村舍一江隔之花

開則見招酒熟則携往逢輒醉吟聊以排悶

晝聞禽舌弄尖新庭宇松風不起塵芳徑仍成三宿地
香醪更酌一家春阮生未達窮來哭楊子多痴逐去貧
遲稼窩名真頓悟從今巾服傲山人

閑心已是伏魔兒通計怨恩爭一絲韓國大官蹇是命
盧能餘債偈爲詩乞嘗鄰酌三而竭闖看林花半出奇
世界未知如許闊蒲團放脚占便宜

現在罇前舊宰臣隨緣我亦作歡歡平勝貴氣雙高屐
絕倒儒名一小冠乳燕乘風玄己化早櫻涵露赤方團
季華如此那無感亦做閑人日弄翰

遲稼軒與盧漢源洪晚香同賦

西風又是到儒冠把與新詩舊眼看跡在泥沙那免俗
身違日月詎無寒雲工只約山眉蹙秋瘦何堪柳帶寬
問我如何東到意交情函蓋頓成安

樊上十年着葛冠雲嵐遞變拄頤看從今相馬非千里
在昔交人幾百寒翻水文章終就淡向秋懷抱若爲寬
明朝鑷白憑誰問雙玉埋來地未安

軒昂老氣尚衝冠不恨前人未及看談着千季無剩在
眼橫四海只森寒決來塵網蛛絲細劣作寰遊藕孔寬
每到蒼茫從指點同歸鵬鷗各相安

屬漢源

大家中廢不彈冠真氣臨罇更好看上國山川詩裏畫
仙家水火熱中寒英雄末着情皆弱諸子多方路亦寬
聊與洪厓同喫飯丹方向我示心安

屬晚香

鬪吟飄動幾莖髯先遣淋浪雨滿簷芳草情根猶小岸
落花香色已空簾君看晚魄心偏苦我向秋方睡未甜
濁酒何須一絕處鬆寬衣帶莫相嫌

急澗琮琤亂玉敲未聞餘語見梢梢睡媒不許奇書近
閑伴終難破扇拋庄事少多桃樹實季功成就燕兒巢
吾詩久廢行當悟古井無波蹊有茅

模盡茲丘松與杉涎涎筆舌本來饒呈身怪鳥疑清澗

獻笑秋花媚老巖倦跡春歸都似掃素書山裏不須緘
寰中不有名相奪並與散人非我銜

枕邊似是酒香聞呼起再三還未分風力輕搖將落月
雨徵仍用不多雲林開剩得山如髮沙敗纜緣徑似齷
每日新詩當蓐食未知秋思爲誰勤

輸君風景盡臯牢竊色毫端空未收敗葉來爲秋使令
淡雲留作夕周遭遊清僧不嫌驢禿文臭人應罵狗臊
到此儂情方底物笑看瓶裏寄芳醪

荷花蕉葉併時枯行樂山家且復圖髮短仙工心叟嬾
君來貞疾我其蘇捧桃兒捷獬孫跪買酒奴遲丑產呼

古筇植經都不講輕將半世供胡盧

草蟲如續我吟餘一雨沉沉境入虛食返淳風多木實
飲成仙品有樓居床移難覓春遊夢燭滅猶存夜寫書
常怪悲秋人作賦吾今反說鬢華踈

小字如蠅大字鴨蓐騰酒所是吾家情根曉活此溪水
句子秋成何處花白學徒令回老耳玄言只可豎清牙
屋梁卧看文遲就妙處依微隔一紗

荷衣綻盡洗紅痕坐久泉聲却不喧殘局當官爭一路
濁醪爲政惡多門歸心西佛終難負專意東方敢自尊
偷果羣童緣樹杪畫邊重累負孫猿

訪晦雲寺寺纔訖重修

改刹無丹雘僧言今歲貧肩壺渡溪僕手卷坐松人怪
鳥行偏獨狂蟬說不真將心觀水淨文字未除塵

遲稼軒次三淵鞍字韻各賦十八疊

選九首

狂吟緣道滿驢鞍小酒欺人熟復寒可使梅花專水部
己看雲物抵天官愁根太亂雪千片語次奇溫春一團
硯北無多佳境在癡如燒燭待情歡

每到樊川便解鞍布衣常苦北風寒寬期藥債如聞赦
用智詩篇等攷官月裏此心成玉朗雪邊誰手作花團
今宵不可無多醉一盞平生若是歡

天馬行空不用鞍神遊廣漢入森寒玲瓏好手從花判
儻蕩靈襟備酒官卽地掃雲憎變態平生弄月惜刑團
駸駸不覺成衰相遇物尋常已少歡
行處漫吟屢扣鞍縱橫筆舌不禁寒綺言入酒爲浮物
纈目當衰作冗官歷歷踈梅從我瘦亭亭白月向人團
已知消遣無多法卷裏雙眉一展歡
此中信宿已投鞍情入溫存辟苦寒只取千篇供我老
寧將一笑望人官吟邊境界從烟黯醉後形骸寄土團
梅萼方知無語妙清宵不足有餘歡
雪飄驢背作珠鞍呵筆今朝洒浙寒丹頂鶴猶頻下食

蒼髯叟尚未遷官窮來交道多冰炯老去吟腸破錦團
蕭索心香餘一瓣燒殘不惜爲儂歡

左高肩勢避風鞍梅樹寒時竹亦寒天下英雄還有敵
山中宰相豈非官月欄醉宿柑黃破雪拍歌清扇白團
潦倒狂言休掩笑欲生愁處轉生歡

己將明月載歸鞍卧內藏梅夢半寒竊飲我能違漢法
采詩君可作周官靈知鴻鵠經天末瞑訝狡狴幻雪團
醉後奇談歡已足燈花太結又何歡

有衣老特可當鞍獨訪高人卧雪寒窮後文章仍入道
山中僮僕不知官清言不再梅花落奇影成三桂魄團

稱竹爲君呼酒汝我將底處別爲歡

酬洪篠淵

典

郡齋韻

小樓不下坐如季閒聽漁歌自遠天花氣氤氳將細雨
江光蕩漾已蒼烟一生惟遣持盃笑萬事都輸枕肘眠
綺語清朝成疊疊情緣從此苦相牽

篠軒每到兩眉開聽盡林蟬更快哉常怪好花秋後發
偏憎明月夜深來金風候近披黃卷銀杏陰踈覆綠盃
微雨可占殘暑退明朝垂釣過江臺

解帶高樓復共臨却驚離鬢雪偏侵有痕霞彩終消歇
不變江光獨淺淡簾燕忽來當客語瓶蓮自發悟禪心

春來醉吐如茵草伊後孤吟滿故林
金陵酒味勝青州蘊藉春風滿此樓佳句知應天上落
快談當向古人求君緣花鳥情多惱我被風流罪已浮
指點柳邊汊港出今春苦勸種鷄頭

湧金樓

滿庭槐影碧參差新月多情偏我隨把盞呵呵歆憤沒
按笙戛戛灸簧吹細簾雨細螢先度汞鼎灰殘鶴不期
慢和艷詞三十六芳季屈指苦難遲

弱雲真似病餘情愁緒侵尋奈爾生白鷺只應收雨色
碧梧竟是屬秋聲大界三千藕孔窄浮緣十二層樓成

世事除來須痛飲勸留明月抵三更

豁展奇雲碧色羅寫來豔語墨香和床頭濁酒黃金盡

鏡裏新霜白髮多明月留人成影事秋風使我動悲歌

有情從古誰無感蛩響纔來蟬響過

臘月十五夜湧金樓

蠟燭通明卧二壺白頭清醉劇歡呼不知今歲今宵月

座上何人更見無

賦雪次道泉李注書

章屋韻并小引

今年元月二十六日雪中道泉貽書盛說近作

雪詩四疊顯允堂亦大加稱賞云忽作夸詡之

語蓋欲起余之懶而催余之詩也階上映山紅

一樹數尺許時雪又大作覽書之頃纔見樹杪

山鳥拍拍檐間甕膠浮白冬菹酸綠道泉有心

人真能會人作詩境界也余亦心閒無事顧影

獨吟遂得三十餘疊忽憶舊遊飛觥對壘酬白

傅之韻醉黃公之壚十年之間零落殆盡此事

優廢今日率余牽強風氣沓拖沙礫未汰麤塗

亂抹如小兒之狂走雪中無一善跡不足觀矣

或有人嗤點我詩為宋調是不然我詩自我詩

胷中有可悲可喜者遇物而起衝口而發自哭

其悲自笑其喜而已顧何有於宋哉世人以奇才妙手畫唐人之眉而強笑借唐人之面而強哭余何可及哉但恐其哭善而不足悲矣其笑巧而不足善矣胷中無故而隨人悲喜者也古人曰諸物色之中賦雪爲難如坡翁之奇杰山谷之險怪荆公之幽眇放翁之豪健后山之沉着簡齋之適放何可模畫其妙哉曾茶山最爲清勁南渡以後恐未多見金松園季謹八燕時聞翰苑人語茶山詩今始入梓云宋人文集中放翁集最爲晚出而茶山學詩於山谷得三昧

法呂東萊其外孫放翁其門人自南渡至乾隆末年迨近五百年其集始爲刊行何太晚也文章之顯晦大關氣數者亦可悲矣未知後五百年或有見賞我詩如我今日之愛誦笠重歸來竹院僧之句者耶此茶山雪中詩癸亥元月二十八日雪夜偶題於清水洞書娛軒

雪裏書來眼不昏故人情以憶爲根嵯峨回望重峯洞
淡泊逾知清水村素髮聯華移蠟屐藍袍出色照柴門
莫教險韻來撩我吟到蘇公傻失魂

積後明知落際昏新春先試百花根賦形巧手皆因物

粧樹餘閒更點村似勸殘盃勤度牖應催好句急吹門
雖知用六玄冥數却怪梅花共一魂

函三意像劇昏昏亂擲狂拋不着根入蔡元戎方是快
烹茶學士亦非村頓生精采吟詩壘耐住空明悟佛門
脉脉向人如遠別無端消盡黯然魂

琳琅觸目洗眠昏整整踈踈悟六根政合清談天上事
未容塵跡鏡中村飛來峯起青苔砌頃刻花翻白板門
寄語春明賀瑞客漁簑如畫可醒魂

山河大地失黃昏漠漠空花不見根戲掬粉團嗤女巧
擬量麵屑笑婆村鴨青幕闕天垂野雲母屏空月到門

曾次從今無宿物玉壺清徹灌水魂

滕六吹噓一氣昏肅然寒粟起靈根漸侵牛目迷溪巷
己築猊形出遠村衰後廢書猶映案窮來僵卧孰除門
可憐凡聖同歸白從古文章未斷魂

曩降紛紛令智昏誰能試手撼天根驚飛蝴蝶真堪畫
催發梨花自作村暫借光華成別界終知消歇屬空門
登山赤脚狂猶快附火寒兒可警魂

一色令人眼力昏同雲聚散本無根低徊凍鵲還過樹
躑躅跛羊不辨村久識高陵變淡谷平看蓬戶等朱門
灞橋詩思差強意左手欲招驢背魂

強數天花巧歷昏重憂坤軸欲翻根行疑上世無名氏
坐忘吾家何處村豈有春風到窮谷忽驚桃李在寒門
鋪來白地光明錦亂抹麤詩喚醉魂

悶見塵塵大界昏眾生從此悟頑根奔回明月姮娥殿
馭返冷風列子村素髮鬢鬢閑植杖靈心炯徹洞開門
山邊溪幅多修飾只恐衝寒更悸魂

今日清賞絕氛昏鳳團可以佐龍根空聞墮石猶殷谷
遠有踈烟不見村高士豈憂埋捷徑醉徒祗畏塞圭門
莫教素論高聲語可道梅馨是醜魂

帳暖銷金羔酒昏何如去斲黃精根休徵可占文明世
遁跡仍成太古村但憶故人閑泛棹不教天子夜敲門
和詩作嘔猶堪飽甌裏生塵未惱魂

紛紛萬事向衰昏潤我東岡杞菊根突兀青山迎遠客
婆娑老樹記孤村素手貧賤忘溝壑邈矣唐虞閉席門
倚杖斯須觀百變向來經歷更傷魂

熹微已結燭花昏灑浙先吹白髮根陣陣飛揚千里夢
寥寥現在三家村芭蕉展盡右丞宅柳絮飛殘太傅門
青帝縞裝知幾日也應收召眾芳魂

點衣沾醉野橋昏今日騎驢却鈍根夜已結冰綾被院
天應下糝莧羹村誰能作賦擬梁苑吾欲高歌和郢門

忽覺青山半虧處春風冉冉暗吹魂

薄滿窓櫺不肯昏清吟撚斷幾髭根玉臺新搆詩人宅

白氎初裁學究村始悟禪機同人定強知天道不窺門

莫須清景從廡壞竹塢松籬淨寫魂

歲頭壯觀付酣昏栢酒復呼盈竹根變相馬應求別寨

慣看狷亦吠空村融痕缺陷知浮世着處處無示法門

驚道漫空蒼葡萄恨渠終是欠香魂

天公戲劇巧乘昏復道奇巖沒舊根定識紛紜今世務

却看瀟灑老夫村生來當把梨花酌死去應題白玉門

忽憶故人從此去天邊招斷楚些魂

淨掃迷籬塵色昏快除濃艷世情根千林綽約梅花樹

萬壑玲瓏明月村容我吹蛭上元瓮煩君騎鶴太清門

冷然脚踏琉璃界却恐騰空把住魂

堅坐吾心炯不昏任渠打倒榭籬根風旗借勢纔喧洞

日馭回光暫現村牢約詩朋當卜夜勤畱飲客更關門

莫言但識菴中事羣玉山頭飛我魂

飄然興像莫須昏萬點飛花不計根今世難逢戴安道

令人却憶武陵村未嫌欵笠捕魚舍那惜沾衣沽酒門

家僮莫掃林間徑昔我羊求未返魂

未判鴻濛如是昏寂然萬物盡歸根人家盡入萬花谷

鶴鶴齊飛百丈村血熱猶堪咽虜客脚衰那復立師門
始知鄙吝全消處頽盡茅茨爽夢魂

天氣教人醒後昏低窓洒點攪眠根短筇戲試淺淡巷
破屐閑穿上下村稚竹折腰先拜路高松強項獨持門
不容淨界立文字况復東回白月魂

堆積無休礙日昏坤輿重蹋抵金根誰知孤鶴橫飛浦
祇見高松獨立村茲事騷壇元有禁此時酒政已多門
熟來年穀占三白天下何憂有餒魂

人家不復辨晨昏物物玲瓏未晦根持燭看梅還靜夜
擁爐煨芋更淡村客衣已點散花室樵斧應翻修月門

顧影陶然還獨醉堪憐檐鵲耐寒魂

繽紛應接不勝昏一陣掀翻天地根纔認曬毛身啄木
新看印跡虎過村機鋒太捷先投戶谿谷難量已滿門
千億化身輕散去園林幾處附精魂

風起翻如浪勢昏萍浮人世不留根天機太洩詩成處
狂態何多酒熟村簫鏗猶堪開小徑裾霑那復曳高門
劇知把翫無多日收拾花箋灑落魂

駭機偷發使心昏片片輕飛各淨根零落偏教思故友
蕭疎猶遣着荒村老能解事看藜杖窮不依人有華門
欲把秃毫答清景山長水遠但飛魂

平生眼膜刮開昏隨處經行盡活根碎却珊瑚初見海
鋪來紗縠強名村不知明月在何處只遣清風入我門
映地鬚眉真可數曉來孤咏自驚魂

却疑明月破窓昏一色嬋妍射眼根剪巧化工皆入樣
來遲風氣已收村不誇清骨從仙府可遣輕姿倚市門
細潤陽坡消息好茸茸芳草悅春魂

忘機看熟不知昏豈有微塵更染根千里梅枝誰寄驛
一壺竹葉自賒村急投瓊玖應傾廩慙被光華倒閉門
衰相借看卧遊畫玉峯高處更危魂

松自清寒鴉自昏劇憐過迹已陳根厚埋千尺積憂地
遮斷十年行樂村穉子政模飛白帖老翁未啓草玄門
麴車縞帶相隨處賴汝窮途可慰魂

望眼熒煌更欲昏分司先問老梅根白衣錯認江州使
素髮孤吟錦里村政想風流披鶴氅可知豪致賞龍門
如今投簡知誰在應笑長卿冥漠魂

清水村居與舍弟士鎮同賦

依然京口隔季顏歸宿自知丘壑間屋似盧仝添數樹
屐如靈運欠殘山弄姿夕靄偏嫌細饒舌春禽不耐閑
筆硯偶從潮水罷中流蘆槩釣翁還

松前巖石半苔顏幽意因之屋數間潮落漁舟空在岸

烟橫樵唱漸離山交雖喜絕猶尋夢詩不求工只破閑
申象村西曠買酒鬍頭一點似鴉還

魚鳥漸親老大顏如除江上卽林間茶烟自造偶然篆
屏畫仍移仔細山薄酒猶當京口味苦吟不及社翁閑
盆花堵竹經冬病種樹新書更借還

卷裏古人如對顏較吾材與不材間野客村醪慙北海
題崖寫壁效寒山庭杉詰屈晴猶翳階鶴支離病似閑
與子偶然植杖處釣臺平沒夕潮還

吾園位置對歡顏穉竹疎松伯仲間縣吏宿逋徵白地
宰官別業禁青山雪融野鵲營巢急春淺田牛帶犢閑

之子西行過沮水巖花落盡計應還

滿案牙籤罷檢書夜淡明月下絃初庭暉隱約烟波近
竹影扶疎藻荇如歷數蕭閑人是幾極知風景雨之餘
僦居閱歲情緣熟洞客頻尋李氏廬

燈前細字兔園書村稚伊唔入學初閱去悲歡聊自遣
老來濩落定誰如交遊數鴈依沙小文字寒蟲食木餘
蒻笠漁翁侵夜過港汊虛白接茅廬

對君安事十年書連紙張燈放意初破膽詩能收蔡了
打頭屋亦借荆如孤村臘味殘盃在空渚晨光一鴈餘
認是比丘桑下戀隴雲關月贅居廬

知其所與洪篠淵同作

名士藍袍尚如許
畸人蒜髮未能禁
厭看碁局世間事
喜讀離騷林下心
可使卧遊青嶂近
何堪酒渴大江深
輕衫還惜草頭露
未了清談西日沉
眼花頭白須臾至
鼎鼎流光孰可禁
何與盛衰天下事
不念丘壑十年心
後人應笑詩寒瘦
我輩惟知酒淺深
憂患向來經歷甚
不妨十日醉沉沉
桑麻閒話且休罷
賓主依依睡未禁
村酒頓忘都下味
唐詩尚愛少季心
圃烟漠漠苾棚靜
田水涓涓蟹柵深
遮却斜陽白團扇
閒看林杪淡雲沉

移坐隨風看樹葉
走街束帶汗何禁
從吾所好江湖樂
歡若平生鷗鷺心
衰惱飲腸從汎濫
窮嫌詩逕入艱深
近來併與清談少
可使神州免陸沉

白園賞春與諸人作

清晝卜來不遠遊
青苔古徑轉幽幽
紅桃村巷夕陽淡
白鷺陂塘春水流
却趁歡娛藜杖在
都輸風物錦囊收
此軒欲傲香山體
仍聽垂楊黃栗留
碧苔幽徑使人迷
牽着遊衫芳樹低
山裏幾花猶未發
春來何鳥不能啼
欲憑古石三生近
卻把淡盃萬物齊
嫩草藉來吟哢去
幽行真似向樊溪

綠路透迤小榭通芳辰消破此山中溪邊把酒添重綠
花下題詩點亂紅蜂蝶緣淡留夕景燕翼情密共春風
堪嗤香國吾將老已許龐家所有空

過樊里見洪天賚

世周

話舊感懷遂走筆書此

未死吾能尚復來今無舊館燕空迴呵呵談次憤仍倒
得得逢場鱗復開石剝尚留奇蹟在花枯應被好詩催
公歸天上惠連在明月長川踏綠苔
舊交如在叩松關巖壑層層我迹斑汎出硯池鱗魚海
橫看酒盞劔鋒山滄桑已閱三生短天地今無一事閒
今度情知無哭處昔季問疾向溪間

山木蒼蒼山鳥喧我公何去只東園風吹盡捲千篇錦
花落俱空五石罇却怪清泉無改響堪憐明月不留痕
不須與爾同悲慨我豈石人長自存

輪劫千回淚滿巾風流久絕白頭新落花芳草曾來客
流水高山不見人始覺清篇爲惡物不知濁酒是何神
天香舊篋衣猶在病起苔庭植杖頻

劫後千篇散不齊逢場欲破玉東西龍亾古澤鱗鱗喜
鵬過層溟斥鷃啼我欲無言奇氣歇來何所見白頭低
却揮一掬羊曇淚三笑當季過虎溪

如霜白髮老江村耐看鷄窠五代孫誰選奇文延虎觀

只要名士上龍門人生倏忽風輪轉世事飛騰碁局翻
百歲猶應遊此地可憐圓澤舊精魂

文峯洪都正

樂倫

山居

忘形賓主未能分怪石奇松亦作羣鶴下周旋惟許我
世間文藻屬之君履穿始覺頻行雪衣重應知多贈雲
客枕數宵頗蘊藉醒來春意鳥聲聞
直見琉璃江水心今來屈指一回尋竹開苞處經宵雨
花養胎時多午陰未辨山遊憐病馬欲題春詠愛新禽
難教老去情根淺每到君家酒盞淡

長歌一發百季勞庶下生涯欲寄臯自許輪困腔貯血

不煩英彩頰加毛鑿巫須駕寧稱老嵇阮同酣詎獨高
回看齷齪皆當世祇要好官任汝曹

來宿山房夢亦清送回明月又花迎吟邊眉與千季接
酒後曾無一事橫交已白頭終耐久行當赤脚不須晴
瓊枝琪樹多文采頻向春風好寄聲

會飲篠淵齋

忽覺踈簾燕語微醉中得句捷如飛綠莎路熟何憂遠
紅杏花開預怕稀斜掛驢鞍惟酒榼縮栽僮蹠是琴衣
燒盡無聊官燭燼好將明月不如歸

丹邱韓侍郎

用鐸

以江都畱守塵存于金陵敝居

復要一覽海山之勝蓋慰余窮愁也遂於秋晴
往遊唱酬數則錄于左

獨上燕尾亭

風清日朗上高臺却見孤帆漢水迴
選勝未教名士至把盃差喜老兵來
層城繞嶂於斯壯折戟沉沙自古哀
頭白儒酸君莫笑閱來滄海變黃埃

尋傳燈寺

喜晴出郭却悲秋我馬飄然已遠遊
佳句忽來風滿腋淡盃屢倒雪渾頭
終知碧海流應盡猶見青霞氣未收
感慨擎天柱尚在南樓光焰尚浮浮

老來豪興不禁秋意到輕裝便出遊
勝國重關孤堞裏忠臣烈魄故樓頭
滄桑往劫詩猶在江漢餘波淚未收
倦宿禪房醒醉夢世間榮辱悟浮浮

丹邱

三峯鼎立望中秋一炷燈傳方外遊
却見莊嚴金佛頂始知淒切土饒頭
醒來海色衣裳濕鍾後松陰筆硯收
石室淡藏典謨在僧言其上五雲浮

登叅星壇丹邱置酒于磨尼山頂待余已一宿是
日醉劇復用前韻放懷

御氣泠泠不復秋他峯歷歷似曾遊
籃輿窳窳緣巖角芒屨逶迤冒樹頭
麗國英豪飛鳥沒檀君靈蹟片雲收

海色茫洋無畔際登臨更覺此生浮

海口平臨瀨氣秋秋遊定是勝春遊波光萬里澄無際人事重來白滿頭危石稜稜雲半入遙山歷歷霧全收留襟暫豁名場外方識乾坤到此浮 丹邱

叅星壇勢壓高秋相顧茫然得壯遊即見魚龍清蓋底
便知吳楚大航頭曠懷悽愴何由定灝氣淋漓不可收
免作廬山生面客醉題巖石墨花浮

一八名區已廿秋寺僧謂我好奇遊靈源路變還生
面苦海緣長久沒頭山水百年蠟屐在雲烟萬里錦
囊收西風飛下猶餘興湖上觀魚大白浮 丹邱

沁齋與李令章屋作

濩落骨猶傲江湖迹太奇纔傾畱守酒却和殿官詩山
鳥飛無遠秋蟬響不遲勝遊未易辨被笑菊花枝
一遊為雨阻知我數還奇孤鴈傳秋信涼螢照客詩官
罇甘露滑歸艇好風遲飽飯還真朴其餘儘駢枝

四月十二日芝汀元侍郎在明西漁權叅判常慎

穎上吳承宣淵常李校理路李叅判惟命舟行攜

妓人簫鼓下碇于舁巖過余丙舍畱讌一宿翌日

同舟溯踈江李黃庭台升以饗官為漁監在杏洲

遂與之同作通計吟觴凡五日酒居四而詩其一

也

搖曳蘭舟極望悠諸公懷抱始無愁風吹漢水幾千頃
月滿金陵第一州歌吹繁音花繞座登臨幻界蜃墟樓
餘生判作漁家傲滿眼琉璃慰滯留

拾盡芳華酒污衣宰官風韻共忘歸饕人膾具槎頭少
歌妓詩評豔體稀未使勾回斜月住誰能管領亂花飛
波光一道分南北却恨蒲帆影易違

再疊

落花錦浪意悠悠共濯塵纓無一愁忽覺茶香浮建渚
遙看鶴影過揚州吾家痛飲千竿竹是處高吟百尺樓

還說風波船上少墊來巾角雨中留

聽唱佳人金縷衣山禽休道不如歸芳心豈與花枝老
勝境難教酒盞稀輕槩應通銀漢去吟毫欲化彩雲飛
看吾鬢髮星星白努力清遊慎莫違

三疊

白鷗泛泛鏡中悠一笛冷風破世愁今見奇男傾北海
昔聞高士在南州芳筵妓隊開花市彩舫盃盤作酒樓
諸宰祇要詩句好烟洲物色少分留

錦囊將滿解琴衣花落舟中醉不歸風雨何來鳧鴈亂
大江東去曉星稀搔回白髮吟將死挽住紅裙輕欲飛

江表詩金 卷之四
紗帽籠頭公事至葦魚供上恐時違

黃庭以漁監事
中流先去故云

四疊

湖上流光轉謬悠不知何處寄芳愁
真情白酒回千載
癡想青鞵遍九州
漁父生涯元小艇
尚書富貴但虛樓
羨他古石如人立
閱世誰能耐久留

已典壚頭藍色衣
懽心酬得盡如歸
觀魚誰發莊生妙
飲水自知陸羽稀
酒暈半銷青嶂出
簫聲中斷白鷗飛
金陵地主饒風致
悔失前遊後莫違

五疊

船頭旗脚見鸊悠
消散大江千斛愁
彩筆速令還我輩

叔

芳醪快意博何州
幅巾雅集應模畫
長笛餘音更倚樓
近世絲綸誰復掌
承明下直莫稽留

翻看梅雨潤何衣
無計留春春遽歸
烟草迷茫沙際迴
風花頃刻樹邊稀
游魚波闊常隨隊
好鳥林深不肯飛
此世元多遊戲法
湖山佳處莫相違

六疊

目送歸帆江色悠
斜陽一半是離愁
衣緋學士先迴駕
垂白漁翁不入州
鷗鷺有時隨小舫
烟霞終日滿虛樓
戲將蟾妓纏頭錦
忙寫新詩行不畱

粉香墨瀋賸沾衣
爲看潮生宿不歸
葫醋多供魚柵近

桂醪高價米船稀青綾被暎花全落白紵歌長鷺更飛
聞說西園芳樹好幽期不遣夕陽違

七疊

烟波不盡思悠悠酒散芳辰更欲愁絲竹終然悲曠土
風流如復見中州遠花自照初移艇幽鳥空啼昨宿樓
借問知音誰最是白頭吾欲少遲留
枕籍樓中朝士衣今宵明月不思歸免慳搗藥憎詩瘦
鳥許提壺恐醉稀政思烟渚蓴絲細久飫蓬池膾縷飛
食帳今來支幾許衰季一飽願無違

八疊

犁然芝宇我思悠簫鼓中流生遠愁佳句先酬誰白傳
薄醪同醉是青州無端風雨過良夜可奈繁華盡此樓
磯上晴鷗新浴罷夕陽境界更淹留

披來無縫白雲衣說與遐情緩緩歸奇命屬花詩易老
芳緣禁酒韻全稀迎風新燕紅衿語劈浪游魚翠鬣飛
賴有斗臣奇氣在頽齡吟醉莫相違

斗臣即黃庭宇

踈江歸路訪洪進士

在壽幽居作

我是洪厓之父友滄桑三閱鬢毛長衰如病柳風流蕩
顛似狂花臭味香傳餐遊客棗餠設洗酌鄰亭春酒嘗
餘年復欲煩君輩攬取烟江物色芳

芳洲遊遍又名亭風信一任舟子聽燕語鸞歌成曲譜
妍花濃柳點丹青金尚書宅乘潮發石彌勒庵聞磬醒
緩步尋迴松下路喜君書屋久居停

李侯

復鉉

郡樓同賦

李侯號石見前以
即來今又為地主

章陵齋

重來乘五馬復踏九分橋

橋名九分
在郡東

蘊藉梅依閣玲瓏

月在霄吟詩公事罷酌酒故人招邂逅捧香騎沁津雪

裏遙

是夜江都 殿官
李令亦來故及之

冕舄來何晚南池負賞花樓陰連遠柳江氣散餘霞短
髮西風集孤懷曉月斜田間飲濁酒不復問京華

郡侯席與朴永平

齊家

作三絕句

神交盡化土饒頭永守誰知是故侯請看 先王韶濩

作一聲淚滿湧金樓

郡樓名上揭

正宗朝

御製詩

偏受 天恩雨露滋眾香城裏一花奇薺英菜葉謾相
喜盡道春風復我吹

華顛漂泊大江頭幸得詩人作郡侯雪裏一罇黃菊酒

未除豪氣更登樓

余有文簾一領李侯以一詩換去遂次其韻

桃笙無孔一涼通巧織宜輪記考工傳看奇文回薤碧
劇知高節錯藤紅夢魂渺渺相中雨書帙翻翻淇上風
彩筆揮來輕奪去野夫長物本來空

李令自沁齋攜酒見過同作

先問我居杉樹西芳醪恰是圻新泥春風萬里花魂動
湖海千季士氣低素髮緣愁寧有種醉吟多誤更無題
靴尖尚着江州雪捧罷仙香兩袖攜

過樊川

但見樊川樹不見樊川人渺如山河遠非是向要津
是身經百變書問無所親吾今負窮交往日枉嗔人
心與口相語身世兩泔寂凌兢跨馬影畱着夕陽壁
胷次隱難平隗礪不當哭急取灌夫傳舉白林風讀

追次 贈持平姜公玳 戊申勘亂後詩韻

先生遺躅尚班班裂檄全摧賊勢頑應說盛名東國史
仰看奇節太華山臨機已憤湍過賴拚命寧辭血汚顏

追想此心生亦好况稱純孝里閭閻公濶州人也英

檄到本郡中惶劫罔措公仗大劍入公堂洞陳義

倫嚴斥恇恇裂檄投火斬价懸街指揮吏校招集官

軍還家募丁治戎械演武藝為赴戰計遍諭閭里使

皆按堵當宁甲戌以忠義贈職自幼少稱姜孝子

溫之境有 江郊亭子暮秋

寒杉欲靜夕雲平老去漸知邱壑情霜積孤花猶抗氣
江空一鴈易為聲是身潦倒無堪惜中歲分離未敢輕
亭沼今宵携二客寄言林月倍還明

汶上暮春共拈石田韻庚申後初會

未死今春又復來年光眞見急潮催百端我甚文通恨
十倍君勝姚合才老境猶乘上山屐韶華尙駐泛花盃
平生怙悵雙眉色每到文峯一霎開

又拈徐文長韻

餘季都瀉一罇中喚我詩人面發紅細雨纔分山上下
飛花不隔水西東啼鶯語燕今如許白髮狂歌孰與同
且喫河豚做閑話任他窓外作顛風

借來蹇衛覓君廬一笑犁然喜若初應見舊遊松樹在
似聽高咏澗聲餘酒乾良夜風流減花落名園文采虛

韶齡休說烏帽早遍看帳裏舊藏書

與地主李

儒亨

嚴都事

哲

柳注書

之翊

柳進士

之

習徐令

相祿

泛舟共賦

遊袂飄然三五逢蒲帆半掛意先濃拍浮新酒驚民鷺
絕叫狂詩懾老龍青嶂喜迎名士韻清流好寫散人容
舟中指點斜陽外棲鶴庵鍾出故松

折花臨水作奇逢地主風流幾分濃甘露官醪傳解艦
明珠佳句奪蛟龍景中人影東坡偈畫裏湖光西子容
金陵絲竹何煩奏清籟泠泠滿壑松

從君一笑宿緣逢來歲誰知此酒濃夢裏翱翔應化鶴

文中遊戲是真龍
花風盡過延芳信
柳浪初平見皺容
韶悵齋郎侵夜去
遙知騎火照溪松

新交剛恨白頭逢
奇氣如霞滿座濃
仙道成來當跨鯉
文章死去亦騎龍
沙邊白鳥憑誰語
鏡裏青山爲我容
已識東方漁艇窄
那愁久繫佛巖松

舟行却喜好山逢
苔澁題崖墨未濃
春後遊人多似鯽
古來奇士見如龍
飛花點點傷春色
垂柳絲絲悅水容
十里歸來衣袖濕
夜淡清露滴高松

賞心樂事兩難逢
花已飄零柳半濃
樓與江浮應幻蜃
客如雲集孰爲龍
祇要佳句何人見
欲隱淡壺幾輩容

任運騰騰須醉死
丹方裂棄傲喬松

諸君何在晚相逢
恰是江清酒復濃
風落簫聲天上鶴
日斜纜影水中龍
衰眸霧出神先往
散性塵寰道不容
誰是日休誰魯望
金陵醉裏錯呼松

又拈

名亭位置古重過
喜如初花石景中
畫雲霞醉後書江
流隨意闕松韻使
襟踈夕照塵緣淨
烟洲見釣魚

郡侯攜好客晴色
上樓初諧謔嚴都
事風流柳注書花
飛詩自在江綠酒
還踈何處琴仙在
波頭見鯉魚

出遊公事少小吏
似虞初鷗鷺窺組
綬雲烟散簿書醉

痕花片減芳恨柳絲踈賴有招邀去猶勝閱蠹魚

又賦亭字

物華領略盡茲亭向夕空欄多遠聽江作鍾鳴危石碧
鶴爲人咳老杉青詩中佳景還同畫醉裏清談却似醒
假號金陵卽眞可溥金門外泊舟停

不逢亭主但空亭如是楞嚴妙義聽鷗若滄盟如水白
鷺纔求友負春青君能爾雅應多識我亦離騷未可醒
莫道未除麤氣在醉吟口業苦難停

又賦拈秋興八首韻

翰墨今季已作林湖山一半眼中森玉壺春酒落花岸

白袷青驢芳樹陰宓子琴聲動詩調向平獄色發仙心
臨風寄語舊遊侶布機材須火急砧

風袂泠泠烟笠斜日遊不足攬季華宿酣弱絮縈泥滓
衰詠殘葩着醜槎過鶴夜聽漁舫笛歸驢曉趁郡樓笳
還看春色吾家在香露濕衣紅藥花

不遣登臨怨落暉芒鞋更恐露沾微游魚江闊應知樂
啼鳥林淡不見飛平世奇籌吟裏錯故人佳約酒中違
落花芳草供佳境濃寫華箋晉體肥

偶來山墅共看碁翻作爛柯流歲悲勝地奚囊喚長吉
佳賓遞騎見當時綠醪一盞花無數山鳥百啼春不遲

亂皺衫痕從露濕醉眠芳草我何思

靈芝三秀桂陽山文采難言伯仲間綠酒流鸞情已熟

妍花麗句氣相關春光如此無餘憾江色依然奈皺顏

淡惜藍衫起居汪漁翁沙鷺與之班

屬柳注書

君亦知吾俱白頭春遊始此抵高秋清談甫齒輕輕醉

奇句攢眉漠漠愁星斗河邊還照鷓釣絲灘上不驚鷗

我曹去後馨香在酒榼詩筒滿一州

屬嚴都事

花飛春事已成功乞得閒身簿領中瀉酒名亭當喜雨

詠詩漕舶動長風人歌叔度韶光暮我惜文通彩筆紅

謂是風情頗解取招邀清水釣魚翁

屬地主

提壺啼過徑逶迤勝與岑參泛漢陂樓迴先題黃鶴背

陵淡盡記碧松枝山添晚翠酒筵改浪蹙輕紋花舫移

天上麒麟奇氣在彩毫揮酒不低垂

屬徐令

崔原父送詩要和已閱月今始潦草搆呈

畱約尋春春已歸貽書望月月虧輝花枝殘後分詩瘦

竹色浮來助酒肥堪惜妙彈復誰解俊知奇氣似君稀

石湖流水紺湖接容易輕橈泊釣磯

誰信不驅貧鬼歸瓊琚投贈動光輝濯來江漢魄應烟

染盡烟霞腸欲肥買酒青蚨飛不返傳書白鴿去仍稀

待君一讀雌霓句題遍春湖上下磯

山人不復寄當歸我髮年來作雪輝酒瓮盡乾千算錯
瓜田大熟一家肥漸知塵世清談少已見柴門熟客稀
閱盡平生奇怪象何煩犀火照牛磯
樓頭目送遠帆歸飛雨青峯映夕輝讓與酒籌君獨健
勝來茗戰我應肥枕常少夢遊仙近琴欲無絃賞曲稀
寄語要津傾奪客爭雄赤壁作漁磯

七月既望與地主李臺泛舟

重尋夏五躅草樹已輕秋江與漁謳遠月隨帆影浮酒
情多此夜韻事在滄洲誰復續蘇賦閑吟上水樓
衰髮颯然起復拈重碧盃秋風連夜至明月與人來沙

際禽猶喚柳邊潮自迴丈身雙怪石閱歷記蒼苔

文峯與洪菊圃

緯榮

三昆李菊人

世周

同賦

騎馬尋春又復過且看白髮更如何病餘佳境憐花晚
衰後幽期愛酒多老柳烟光承雨露閒鷗身世閱風波
劇知逢處歡娛少君嘯啗然我短歌

却向青天懷抱寬今春筆墨太翻瀾花前已許輸君句
醉後何妨倒我冠友道山光雲復雨世情碁子暎還寒
詩豪不敢題來處好是花糕趁午餐

剩被山花喚鬢絲自知奇氣斂雙眉好詩百歲幾回詠
綠酒人間不可辭薄俗相嗔行兀兀情人每恨到遲遲

茲遊却起前遊感，怊悵春光似往時。
眾香滿谷不能名，終日流鶯自說情。
三斗綠醪應笑發，千莖白髮與愁生。
却從蠟屐春山滑，更憶布帆江水清。
不用桃花與楊柳，眼前韶景亦平平。
詩愁已得我生初，鬱鬱雲霞寄久居。
奇士淡藏囊裏劍，散仙多解世間書。
媚春新燕紅襟錯，妬雨湘桃碧跗踈。
不用閉門閒種菜，輕衫來食上江魚。
一去應生靈運天，可憐難及是芳季。
詩篇急就春風動，酒席圓通曉月懸。
花香撩我持禪戒，彩筆輸君侍法筵。
忽覺今遊顛態甚，黃鸞啼殺白頭前。

己巳十月拈韻述懷

吾

王盛德誕 儲宮慶籙無疆占，大東始覩勳華天。
屬在政知文武聖人同，歡欣萬姓念饑歲。
悅豫三靈現瑞虹，當日高祺應撰頌。
詞臣誰是筆花紅，蕩滌父冤降紫泥。
無量感祝但悲啼，數來聖壽恆沙積。
較得君恩泰岳低，自隔幽明誰告母。
卽當哀樂詎忘妻，空看衣上成斑迹。
雪涕寒阡風更淒，獄上呼囚生獨悲。
海邊分竄死何爲，兄携弟手將安往。
毋挽兒裾更未追，仰不視天空漠漠。
行如逐鬼豈遲遲。

天涯骨肉流離後兀想餘生若夢痴

行遣未知藁葬時誰憐葦笥罪惟疑好生元是 聖君

意嚴法由來丞相知痛是崔生元作史冤於坡老自吟

詩絕悲倉卒天倫盡償得今生待後期

行幸 園陵幾上書陰崖未易太陽舒彷徨息影千官

仗唐突哀號六尺輿吉語望他傳喜鵲羸形視我負塗

猪 恩綸一夜從天降感激真甘萬死歟

聖主那知蟣虱臣偏蒙雨露一家春松扉剝啄投窮鳥

楓澗响濡放涸鱗余偏荷窮途之感於還說慈悲應佛

笑但祈榮貴亦公嘖導迎和氣無冤獄再造東方堯舜

民

度盡危峯一線天得來平地夕陽前已知歸路無多遠

有恨餘生亦可憐宿業塵銷猶戀酒清貧壁立不言錢

遺編乙覽辰年在為泣天香尚泯然

相羊草澤發狂歌天地蕭然不願宅闕世炎涼心己了

看人榮悴髮如何梅花約訪林君復煙水許從張志和

梨棗種來材己老遺文收拾劫灰多

久雨試筆

閑愁端緒巧相連細點誰能數萬千別作逢迎誰遣鸞

恐添撩亂自休蟬黏膠計闕終沉日補石年多易漏天

海翁詩鈔 卷之四
獨覓蒲團乾淨睡圖書梅醜散床邊

余生於庚午與汶上洪都正樂倫同庚是歲同甲

汶上寄酒兼贈縞有詩遂和呈

悲歡閱盡似更生公與同季降在庚酒榼分沾汶舍味

縞衣先贈海槎情余於來春發海槎之行故云

白髮皤然觀我生曉天一點是長庚記來舊客回初度

菊釀雉羹多荷情

仲孺今朝媿獨生詩名安用大庚庚囊中筆墨經桑海

難寫吾人一寸情

偏憐父客是同生霜柏秋蒲較舊庚祝壽餘歡送蓂莢

先知愛日及人情

右洪紀榮兄弟汶上之三胤也見寄新曆兼有壽詩又賦寄之

周郎曾與伯符生公是先庚我後庚余生日在十二月七日後於汶上故

云當世英豪無一着君能解取酒邊情

富貴無多是歲生我公壽席喚同庚今朝不待伊川語

忍許兒孫置酒情

百折千磨了一生屈平庚日我季庚今朝飲泣殘盃酒

恩重經中可奈情

又以七言寄呈汶上

豈與山中宰相期始知奇命不遭時平生真負蓬桑志

今日只添莪蔚悲耆舊風流誰可畫羣兒富貴自相嬉

倘容一席同庚祝玉樹靈芝影滿卮

辛未正月將赴海役上塚辭別一宿墓廬述懷

窮命相依最可憐一生痛恨在寅年文章尚賴先人業
門戶猶持阿母賢薄酒難追太倉米生魚未買度支錢
白頭復向東溟去淚迸雙阡下及泉

哀樂相關夢見之百季貧賤足堪悲酒醪漸薄傳方少
衣袖從穿倩手遲海岸春風花自發虛堂夜色月空虧
滿前兒女憐相送獨卧青山知不知

行處忽忽纔一言我家先照扶桑暎斑衣試罷憐無母
白髮鑷來媿有孫貧賤只堪依本分文章多是出寒門

從知天道有消息今世誰爲山巨源

子弟雖佳天運睽嫌渠才氣苦難低隨身書籍移淋屋
計口來牟課夏畦世故未諳須簡出詞場多忌莫先題
衰季戀戀知情弱千里長程信馬蹄

泊翁詩鈔卷之四終

泊翁詩鈔卷之五

完山李明五 士緯 著

辛未海行錄

附 驢 章 數 則

奉贖泊翁詞伯日本之行

並 小 引

泊翁先尊公濟庵

雨 念 渡 海 時 號 也

戊辰渡和今泊翁

又能趾美與辛卯行壺谷太學士子南聖重泛
麥百餘季僅二人辛卯有和刻槎客通筒集戊
辰有二邦連璧錄錄中源東郭與濟庵最多酬
唱其子四明季十七亦能屬和今如在者年當
八旬矣泊翁必訪之也

何羨翩翩泛安行應驚犖犖泊翁名定知多續槎筒
集無限不經浪速城一代選英看濟美二邦連璧重
家聲舊詩膾炙誰偏誦試向諸源訪四明

斗室居士沈象奎

十季盤鬱氣千里壯遊時彩鷁如高屋雲鵬擊大池
詩應幽怪伏名始異邦知書記緣君重何須歎鬢絲

松園同庚金履度

烏山屋裏萃詞英三十年前惜姓名白首新知還遠
別扶桑如蓋向誰傾

東坡冠下碧羅袍書記文瀾又海濤藤橘平原多舊

喬索詩應問謝家毛

楓臯散人金祖淳

西臺送春日陪竹里南霞二使相作

辛未之役上使金承旨履喬號竹里副价李學

士勉求號南霞製述官李顯相號太華又書記

金善臣號清山是日同讌于西臺

厭薄塵寰事從公萬里遊仙山帆外出滄海枕邊流名
酒易為盡美人難復求西臺風雨至還作杏花愁

月夜上永嘉臺次清山韻呈竹里

喚取一輪月催登百尺臺青天欲寫句碧海共傳盃歌

曲雲猶住妓園花盡開不須愁遠涉公是濟川才

又次前韻示李太華

明月引人去逍遙有此臺老顛常脫幘纖手不勝盃紙
箭天星落紗燈夜萼開平生信筆力觀海未爲才

春次竹里令公述懷見寄韻

窮命相遭喚柰何從公入幕慰蹉跎行盃偏許分紅玉
拈韻先教寫碧羅感淚三生夜雨足憐才一念春風多
經來駭浪人間世終識滄溟少起波

奉次南霞學士寄示豪字

登臨絲竹使人豪馬島東邊盡碧濤鷗鷺風迴飛不遠

帆檣潮落影還高祇憐妓女臨明鏡堪媿蠻兒佩寶刀
膽恟華筵仍袖手雲烟滿紙使家毫

白頭不復論英豪閑看天風萬頃濤花氣迷離詩草亂
歌聲寥亮月華高名亭地主先賒酒殊域行人好帶刀
東指依微烟靄外馬州山色寫尖毫

平生膽氣儘麤豪斜日西風盪海濤天際扶桑如薺小
舟中南極去人高寧求三島神仙藥欲買千金俠士刀
咫只慨然蠻館在明珠安有託揮毫

雨中走次竹里令公寄示李菊隱

文哲韻

客愁不斷酒無功午睡初醒燕語工喫得防風新菜味

滄浪詩金 卷之五
菊詩清絕愈頭風

會讌映湖樓

麗代高樓風景多平湖芳樹影交加從公聞樂初過嶺
使我停盃夏憶家垂老詩篇惟古錦新春妓隊是名花
回看文筆山光秀安得金生上海槎

寒食次竹里使相韻示相之

太華字

春風送我至客館見桃花綠酒終無賴白頭其奈何人
生俱有限滄海獨無涯上塚知今日故園芳草多

自釜山發船奉次竹里

花影扶疎柳影鬋開帆風日喜清嘉已將春色消文酒

夏遣潮聲雜鼓笳冠幘舟中皆我國山川夢裏向誰家
滄溟利涉斯須望聊寄鄉書醉字斜

將泊佐須浦夜登船樓酒半次東坡月夜渡海七

言韻

好占風端不變夏長歌三老喜天晴故園如夢情根弱
浮世無塵眼界清却向茫洋看斗柄忽從島嶼聞鷄聲
迎賓和使懸燈至遙拜舟中禮數生

畱佐須浦次南霞使相韻寄示季良

清山字

旅館寥寥對碧湖共忘遲日坐如愚故園花落憑魂夢
異域山明入畫圖幕客垂綫庸玉汝和人執戟傲金吾

雨中酬唱還聊爾且與酒人遊行乎

滄溟餘勢匯爲湖移却環山計欲愚波似練澄謝家句
雲如墨潑米顛圖席上之珍應數汝酒中所好且從吾
馬州明日將誰見不識君乎與牧乎

一行未見琵琶湖不及前遊更是愚自和新翻水仙操
誰摹奇狀海神圖詩成多疊宜從衆酒到幾巡其次吾
却向鄰舟供鱸具坡冠照水笑來乎

復疊前韻示清山太華諸友

奇巖斗絕轉平湖千里離愁共智愚鱗浦急潮誰可射
神山靈草亦難圖橫琴好僕能從我看月閒人惟是吾

堪笑諸君誇彩筆將令島主見之乎

放作滄溟穿作湖未知儂智與儻愚萬方昔被神堯德
百怪今輸伯益圖情惱詩逋多倚閣腸枯酒力每支吾
何須遠憶歐陽子竹里使家知我乎

海上落帆因入湖峯嵐峒霧使余愚休言蝌蚪尋遺跡
但閱山川較古圖未辨殊言思介葛還憐左袵憶夷吾
壯遊從古多經險似喫河豚敵死乎

逆浪回船過幾湖逗遛還媿賈胡愚一談一笑蓮芝客
何水何山熊野圖誰贈縞衣殊季札那求寶劍向昆吾
風餐雨宿隨緣去行止元無不可乎

自佐須浦行二十里大浦停舟菊隱見寄要和立
次却寄

荒浦避風入沿洄巡海邊芝函輸去幣彩幔引來船晚
飯仍朝浙高帆解曉懸程遙違好日春盡失芳年河伯
勢惟恃飛廉權自專松多山匝港星少井觀天僚契頻
浮白和供偏擊鮮曬衣惱梅醜解醉喜茶烟鄰舫往來
熟依梯上下緣波中明月出意像更蒼然

西福寺

船頭富岳碧層層西寺雲梯登復登撒葉棕櫚風緒亂
垂枝石柳雪花凝藤牋已到雙罇酒茶褐先飄半剃僧

淹雨蓬窓泐寂甚歸來剪燭一吟能

天上樓船問幾層朝昏打鼓響登登詩心翼翼爐香合
別恨迢迢燭淚凝隨客目成多蕩女逢人頂禮盡緇僧
住帆長日消碁局其柰坡翁三不能

高卧枕樓百尺層誤人豪氣是陳登晚鍾蕭寺潮音雜
春酒鄜筒藥味凝禹貢闕來多怪石周官廢後更胡僧
東遊霞幕慵還甚少不如人况老能

相將飲食海雲層我筏何時彼岸登經歲包柑香未歇
凌晨網鯉沫猶凝峯巒煩問重來譯詩句曾聞異域僧
十日舟中開幕府吟風鼓角睡難能

南霞使相作泊翁五能詩仍命解嘲遂即和進夏

乞瓊和

使相吹噓高一層解嘲楊也敢先登撥愁詩澁雪髭短
却老盃淡朱頰凝困卧雲臺猶道士戲過魔室亦高僧
祇堪飽飯殘季過百事悠悠都不能

富嶽蒼蒼到上層應窮眼力抵萊登日華所照齊州小
風候方來急浪凝詎採珊瑚要海賈擬將瓊玖報詩僧
不須傍覓吾妻鏡和刻父書讀未能

先君濟菴公昔在
戊辰以使和之役
入江戶大板城與人唱和甚多和人貴重之
刊出先君詩文寄余故云和史名曰吾妻鏡

西泊浦遇風不得發

泊浦停橈不悶風留看青嶂半開蓬不勝盃酌君應笑
大放詩聲我已聾積水虛明同晝夜濃霞杳漠隔西東
危橋一版昏愁滑歸去吹燈照巷中

喧豗終夜未驚風西福庵前已繫蓬不見鄉書頻說夢
未酬蠻語故佯聾身如鵬在筠籠裏舟似魚游蓮葉東
遲速祇憑三老去仙山遙指有無中

柑

始見南方種何時聞妙香密陰留步屣低葉冒衣裳客
眼經花白歸心恐果黃不愁沾滴露夕熱更移床
滿樹離離子嗅來幾瓣香梢竹偏欹憤鉤藤却破裳送

鴈纜能熟聽鸞猶自黃沙喻喜柑者伯溫書在床

拈陽明韻

畫扇半開破卯酣酌庵回牘禮和南夢痕却引杉筒蟻
愁緒爭抽橘葉蠶每怪鳥言頻喏喏還驚蠻府亦潭潭
幕賓酸腕酬書去聞說裝潢揭佛龕

和呈使家韻放船

此行最奇絕運來時晚通絲纜龍遊水大帆鵬擊風佳
詩傳棗板名酒計杉筒自有乘除理淹留浦雨中
回憶離家久繁愁不可書老宜荷鋪飲窮亦帶經鋤風
動浮坤軸波高浸日車隨槎太縱浪何似故山居

竹里令公示二詩即席促和

五兩飈遲春欲窮枕樓屢瞰水晶宮淨緣却在蓮花界
傲骨可忘邱壑中間處改詩芳草雨病餘溫酒落花風
苔厓故友題詩在當世風流誰與同

山色濃如睡斜陽更媚人折腰知石丈纈眼見金身花
影全侵席松風任墮巾却從塵壙裏他日想清神

濡滯馬州館適當浴佛日竹里南霞兩使家念良
辰之虛擲變殊方之華風自幕賓暨篙工給黃
蠟白紙各造一燈大小通計三百有奇和人伐
竹爲架次第懸燈漆齒花鬢帶劒戟攢頭闢

看與鰲山花棚同作希有觀可以供歡喜佛矣
酒行樂作有詩命和即步三首

十日逗遛東海濱高帆不復問天津中州已過傳柑日
異國誰知浴佛辰病後顛狂悲白髮醒來游戲憶青春
森羅燈下思京國通夜不眠三百人

點點燃來犀幾通光明遍照老龍宮滄溟已覺水標遠
鍾碧還疑蠶嶺同軟履追隨花市月輕衫呼喚酒樓風
親朋今夜應思我閒坐題詩橘樹中

頰肩碧竹架層層奔走和人揭彩燈物色何堪佳節負
宣風詎向異邦矜盡情鼓吹何須歌瑟影龜鼉不敢騰

謾喫豆蒸槐葉餅爲排羈思却還增

和丹厓禪師

是何酌庵多皎然瓊篇珠句每聯翩病憐藥草迷三島
老畏詞源瀉百川殊域光陰花似霰故人魂夢柳如烟
此時信息真奇遇暇日行叅說法筵

草淡一丈過禪堂却惱春遊白髮長客恨雨花如許老
詩心風絮不爭狂竹林宿債千鍾酒蓮社奇緣一瓣香
惘悵錯過觀海路臨風舉扇碧蘿牆

遊西山寺

先君濟菴公戊辰信行以書記至江
戶歷過是寺六十四年後余又遊此

往蹟森羅滿酒壺一行絲竹少權娛白頭能到西山寺

碧海曾看日本圖奇士難逢紀國瑞勝區休說琵琶湖
可憐怪石清池畔老衲生涯種荻蘆

寺中僧無一人說
往事者感恨而已

和滄洲子

馬州記室子無雙才與安仁較大江橘葉題來迷石逕
鯨波夢裏動蓬牕宿緣應續無量界佳句當傳有道邦
筆說纒纒多慧悟令人叫絕擊床杠

和贈瞎驪山樵隱長老

山門已識路义分未接蒲團一笑欣絳節纒過鴨瀨浪
彩船遙見虎崎雲禪心欲問維摩疾老眼還驚惠遠文
童習辰年風雅集訂庵如是我曾聞

觀音院逢滄洲子共賦

賓館閑愁賦別離可堪怊悵綠陰時乘舟蓬海同仙侶
着屐名山訪法師盃行花影啼禽緩詩就棕陰打磬遲
江戶未聞消息至何時東向老松枝
獨將青眼向山開喜色西庵見辯才襟袍稍寬滄海界
夢魂常住碧雲堆煩君泡露金剛偈惱我沉冥竹葉盃
添寫虎溪三笑畫幅巾草履共登臺

五月四日使相移席南軒有詩要諸幕賓同和遂

率次其韻

髮短情仍弱定非遠遊時離歌腸屢回別淚睫猶滋重

館淡如夜眠食久於斯哺雛營巢燕結巢看花枝罇酒
映新晴須臾千陰移詩草亂塗乙醉問我爲誰使相如
親戚離家不須悲衆中濫竽吹千載得鐘期雅望鎮浮
囂吾生信所之

海上多陰雨出遊占晴時已經波濤險更看物華滋杜
宇啼一聲忽驚我在斯細認碧蘿衣閑把橘花枝床褥
多卑濕瘴氣疾屢移杏衫只憐汝菖酒共勸誰已無令
節歡徒使兒女悲幕僚多嘲謔一笑以爲期朝暮鍾山
碧開牕閑望之

次寄滄浪子

黯黯鄉愁對酒壺逢君未怪語音殊濃眠漸化扶桑繭
佳句每投滄海珠晚蕊未知春已去啼翼猶識友相須
西山蒼翠觀音院隨處清遊亦可娛

和樵隱長老韻

鯨濤閱盡虎疇潮彩舫褰帷舉手邀心淨先教明月照
詩香翻作散花飄星槎河漢元通路銅柱東南詎限標
已結奇緣桑下宿瞎驢山色暮還朝

和丹厓

國書畱奉過端陽通信終期海變桑絳節聯翩隨使駕
黃衫飄拂接賓堂愁邊已見枇杷熟句裏尚含蔬筍香

祇想清涼叅佛界滿山松栝匝千行

次以酊庵韻歸呈兩使相要和

八定未容賓主分一重紗隔兩眉欣鯨濤既濟閑觀海
驚嶺難尋遠撥雲清却俗腸盤筍味荒來塵跡逕苔文
令人悵悵歸棲晚信息頻傳玉磬聞
招提佳境話難分函裏新詩共賞欣忽訝波瀾翻海水
堪憐態度散春雲牂牁久繫東溟纜貝葉今看天竺文
慙媿江郎才已老俚音斷續不堪聞

失題

行李迢迢記王春絳節黃旆向東鄰舊約通信信如潮

半途畱滯馬州津同行徒御三百人久飫南烹忘酸辛
江戶使价次第到更占吉日與良辰奉來國書會別
館盛禮賓筵秩秩陳兩國交懽接雅容一笑還如舊相
親霜露所墜海內外熙熙皆是同胞民俱以千里無相
畏辭令溫恭每主臣東來白髮充書記詩效杜陵酒伯
倫奇才欲見天下士詎問珊瑚席上珍今日始逢盛如
齋歡然使我解呻嘖滿袖瓊篇爛霞綺爲君一抹前江
蘋

次寄氏江左職奉行

高鶴昂然立鷄羣來看墨客灑烟雲衆中先向泊翁笑

翁髮吟詩白雪紛

用相之韻賦示季良

卧看蓬牕日月生驚波枕底尚崩騰鄉音無異聞鷄犬
土產皆奇見橘橙聘禮每揆江戶使詩緣謾結酌庵僧
莫言鄒衍荒唐說海外諸州見未曾

五月晦日與相之季良共次放翁韻

困炎畏見紅榴發淡館還思帆影涼使供熟猶冰飲少
僚吟才較襪絲長翫如摩詰爭求畫迎似釋迦先藝香
迎接使座先藝香和人求詩不一醉陶然忘得失周旋
如書書不如畫索畫者每填門

罇下與碁傍

次呈竹里使相韻

乘潮着力一帆懸我思悠悠碧海邊月衲訊來通舊誼
石生別後寄遺篇芝林僧為戊辰加番長老與先君多
酬唱其孫月江貽書說辰年時事余

以五古詩與序一篇答之又石川即江戶
人也聞余來送鸞迎集亦戊辰唱酬錄也水中眠食憐

雙鷺風便吟哦訝老蟬幕府優遊多闕事綠池慙媿喚
紅蓮

萬公壇

萬公海上有高壇吹薄西風膽尚寒歌誦猶傳皇帝力
鯨鯢自退小邦安酒盃只遣依花影筆氣惟堪抵海瀾
使相風流今夜永佳人錦瑟有餘歡

和贈相之學士二詩

溪館固多病誰能破一閒藥香凝帳底篔簹滴引厨間急
管吹愁緒清盃照皺顏狂吟畱過迹萬竹墨應斑
未逢飛錫白雲淡行嗅清香蒼苔林不識誌公面如鏡
詩中先照玉壺心

見豐洲醒翁詩以二絕句求和

想來如隔一重紗咫尺居停迹更遐具體先知香色品
君詩吾欲警名花

如今知己白頭親萬里東溟即比鄰但恐一朝交臂失

東歸長作夢中人

東溟之東
當作滄

接待官送扇求詩以五種花草粧扇扇小不能書

以他牋寫去白扇歸之

嵐山

缺

種子的歷幾花明忽起故園思季光已薦櫻

可憐款冬樹冬後始開花肺疾緣詩苦嗅香到日斜
花性似吾性自然傾太陽畫中堪繪彩句裏可傳香
百花掃地盡紅葉作秋景偶然題我詩何似吳江冷
一望無邊際芳草碧如羅不須看花去春光此處多

水車

作車還用水古制八玄微隔嶺輕霞集過庭急雨飛劇
知出人力還訝弄天機惠澤有餘寸餘波潤

缺二字

旅次排悶二絕

海色蒼茫計遠程馬州留滯不關情
桃花落盡枇杷熟再度應回浪速城

未到扶桑日已夕旅牕癡絕對鐘碧
詩情遠漾琵琶清畫意先模富嶽白

和贈負暄禪師

上方花木八重重隨意同人步履從
已識酈庵高足在雙眉奇氣碧霞濃

渡海行

打鼓發船釜山口楊柳依依迷遠渡
永嘉臺上盪朝旭

絕影島外開宿霧長季三老喜潮來
瞥過小島不勝數奉行彩舫相後前
其餘舴艋浮如鷺水變急浪千仞高
欹櫓側枕使人懼嘔吐眩暈發水崇
人如中酒起還仆芝函國書舵樓上
海神風伯併呵護嗚呼未報壬辰役
追說聲淚先吞吐長蛇封豕食我東
鑿輿播遷龍灣路二陵松柏已無枝
九重宮闕劫火聚逢男劓鼻築京觀
俘女作使着蠻布皇朝盛德孰敢忘
掃蕩凶鋒帝東顧月中廟貌返神靈
秋後園寢掃霜露秋毫莫非我帝力提
督經略金可鑄罔極崇禎甲申變我
師未能湯火赴夷狄有君不如無當時
廟筭多謬誤滄

桑屢變二百季講和姑息自親附珠顆玉粒三萬斛使
渠飽嬉舟航具志士猶齋飲頭恨快男尚含條頸怒江
戶初約馬州止絳節支離三夏住幕僚暗合孫吳略記
室肯數枚馬賦賓館少事恣飲博牛腰大軸聯詩句鯨
魚鱠細金盤堆地黃酒甜玉盃注手香嘗新枇杷熟衣
汗納涼棕櫚樹街童十歲帶劍行浦娘雙釵蕩槳度黃
梅苦雨十日垂鍾碧山光朝復暮鯉魚在水鴈在天故
國音信稀尺素南方卑濕不可居山嵐海瘴恐沉痼尉
佗答書無傲態通使傳語少緩步使家檢勅如冰玉不
問明珠與翠羽春醪百斗肉千斤三百徒御皆仰哺風

流文采照鄰國扶桑紅日光爭互涓吉理楫知不遠西
風歸見桂輪兔

遊以酌庵

宿雲披盡上高臺萬里長風儘快哉
圈日旗傳關伯號
駕湖帆認奉行迴眼窮島嶼清霞散
吟滿松篁午磬催
忽覺白頭無後約重持樵隱水晶盃

又次絕句贈丹厓

燒香簾箔篆烟遲
午睡西窓喚起時
三錢不聿鷄毛細
閒倣中唐近體詩

六月十一海岸寺納涼

已翳扶桑照先迎松韻吹乘舟無盡景騎馬不多時孰
聽鸞啼樹自看鷓化池絲竹傳清曲斜陽把酒遲

乘船

爲客經春夏乘舟似故鄉愁從青橘結心與白鷗翔遠
嶼烟霞淡清流漱濯香殷勤老酊衲相送到斜陽
潦倒自忘我方知在異鄉波光元浩淼山勢欲翱翔島
飯聞魚臭江醪嗅藥香掛帆西去後誰復記和陽
青山圍客舍畱作卧遊鄉今雨擇龍化新巢乳燕翔官
供收亥市蠻舶賣春香夏上枕樓望先思紫閣陽
殊俗拗天性蠻方異我鄉潮聲驚復定風信喜將翔解

纜橘林綠登盤海藻香送詩須急就使相是歐陽
癡嘲仍雅謔逃入麴生鄉知樂波鮮泳忘機海鳥翔畫
要金子潔書乞李生香老去閒無賴謾吟憶漢陽
衰境重分手少年輕去鄉痴將乘鯉躍狂擬駕鸞翔風
引仙山近春迴藥草香漫言西寺到尺素鴈隨陽
但嫌明德少何陋住茲鄉露頂日光灸輕衫風氣翔情
人題古畫迎客藝清香古賀真奇士辛勤說紫陽

夜宿舟中

潮聲喧浦口山色滿舟中晝雨多飛白秋花少抹紅海
程忘近遠詩事記西東莫向篙師問自生蘋末風

忽然風雨急蓬底曉驚眠鯨吼雷殷几蛇翻電掠船詩
多償酒債香盡結禪緣心界空諸有何勞數昔愆

二十日發船

滄波萬里眼前平蕩漾歸舟故國情風滿白帆同豕漲
日遮青蓋似葵傾桶中花影先秋發籠裏鷄聲向午鳴
瘴氣蜒腥都滌盡吸來芳浦一瓢清

馬上

年光倏忽馬蹄輕送我青山却有情月照藍衫何處宿
風吹羽節不留行先知藤橘多蠻姓頗喜檜杉皆酒名
一去直窮滄海岸不須官燭計歸程

句

筆談異域還同啞鏡聽今季可免聾失題窮後壯遊聊
騁快老來浮謫未傷聾上同現在吾身疑是非此臺猶
憶酒盃揮錦帆無恙鯨鯢伏絳節不期烏鵲飛橘葉題
詩從散落蜒燈說劍已依稀 山迎故國如親戚鳥去
遙天若夢魂新月猶懸滄海檝踈梧已墮大官罇經來
辛苦直堪喜小妓休嘲鬢雪繁上二首七夕鶴巢臺作
而本篇缺末句下篇缺
起句故錄入之風少鵬應息波長魚或飛佐須浦舟中

辛未九月十日偶吟呈松園要和海行歸後第一

試筆

茫然意象苦難裁頭白西風為底催尚訝硯池鯨欲動
誰憐城郭鶴重迴舊觀不改南山在遊跡仍隨秋雨來
只望和陽館裏月豈知還把案頭盃

霜葉千林錦欲裁行如急景意先催好須籬落菊花發
詎羨滄溟鴻鴈迴匝坐華夷佳句出繞看兒女遠書來
依微過境都如夢雨夜虛牕又一盃

久客還家衣未裁秋風日夜為誰催獨聽城裏鐘聲動
却說天涯帆影迴老母已歸情若住故妻不在夢應來
雪綿銀錠將何用更對兒孫淚滴盃

離愁更說不能裁病弟扶將喜淚催跡滯身蠻潮自動

心懸象魏月空迴新居尚遠尋還到舊釀已乾期未來
余海行未遷移居新舍又家釀待余屢歲云爾縱浪往還遲泊岸誰言滄海小

於盃
堪笑惡詩火急裁未歸家日日須催峯巒猶想青千疊
橙橘今應黃一迴剃髮建邦自尊者日本之始祖即不
合尊者持一鏡圓

自天而降
立國為帝燒香迎客比如來馬州人士每迎客
輒燒香又必頂禮東遊最
是難忘處長在南霞竹里盃
奉次楓臯公梅花詩典字五首

疏牕閒靚意差強掃淨浮埃獨自芳冷暎苦心寧改節
冰霜浩劫不渝香影暮曉月當追憶身被春風還坐忘

肯許白頭看數去罇前索笑樂渠央

獨破羣陰力復強誰知婉媚作新芳
天邊細月依微暈雪裏春風斷續香
隱士作文猶可見佳人有德我何忘
悵然花下聯吟少騎火朝朝朝未央

公比梅花瘦半強公之句子更流芳
影寒冷受全輪月心苦惟燃一瓣香
桂樹叢中真可隱玉樓高處最難忘
堪憐潔性無人會長夜漫漫殊未央

觀梅光景幾季強老醜還添對汝芳
子尹先知和氏玉梅檀元是佛家香
滿天風雪能相見舉世塵埃更欲忘
歲暮犁然迎一笑罇東硯北許中央

苦寒閱盡又風強顏色天然絕世芳
清士肝腸通月色散仙衣袖浥天香
投閑佳句情堪托垂老神交季已忘
玉磬齋中真得所茶槍交錯酒旗央

附短牘

見公詩竊想託意於梅花自題小照即白

模觀音畫也世之觀梅者甚多只論香色之間
少知梅之品政在高潔讀詩者亦如觀禩則庸
詎知意象之何如哉不佞奔走雅望久矣右五
疊荒陋不足觀或可當拈花一笑否

奉次松園尚書見寄梅花詩和楓閣韻

并書

嚮以此韻五疊呈楓閣覆以險韻多疊雖足誇

富未必爲垂後之能事爲評故不敢更作忽於
雪夜讀公之詩奇養又發且以二篇仰塵清几
未知藻鑑以爲何如某今亦老矣留此世吟弄
此花能復幾年乎將與古人同歸其誰與歸比
於放翁詩則果如何低一格耶減一分耶秤量
金尺幸勿一星差錯更如何某於放翁之詩其
婉曲澹蕩奇崛蒼健無憾焉但見先生阿好放
翁號爲第一詩宗欲令人人俎豆之尸祝之想
當以某渺然晚生於放翁七百餘季之後以一
布衣生老病死於東海之濱粗知搦得一寸尖

毫吟得幾篇歪詩妄自比擬於放翁爲大呵則
某亦無奈何矣然直欲突過放翁則有罪強欲
比擬則論罪惟輕耶伏悚仰呵

微陽扶得一枝強從此春風作衆芳忍冷袁安真有骨
鬪妍西施本無香踈燈寫影神何在明月愆期夢未忘
慎勿錯驚吹鐵笛詩魂孤唱水之央
苔剝老槎猶崛強秀枝依倚更妍芳塵中自有泠泠韻
人外時來寂寂香妄論衆花醒復悔貪看孤蘂句還忘
佳緣只待孤山月已過黃昏夜又央

奉和斗室沈相公怪石十二韻

網薦

石品奇仍怪物象甚可駭頑鈍久生慧比擬笑他駭觀者欲驚走狀如聞雷蟹屢閱篆籀文詰屈稍可解老禿丈人行觀場隨病矮苔跡從巨谷晞髮沐渤澥精靈避石鏡躑躅忘鐵柺數衲語相顧囉嚶未移躡禹貢未及搜網吏詎能買有誰鑿靈竅罡風出洒洒側想飛走勢禿筆追李廌現前變殊相斜月夢新罷

乞酒松園宅

祇捫酒腹負傻傻眾謂吾顛可質顛平子繁愁仍季世長卿消渴况衰季漢官拘馬香無賴杜曲新鵝色可憐此物引人入勝地桃源那復問漁船

辛未病中聞官軍出征

士馬飛騰迴出班征夫衫袂幾人攀已調兵食河山外誰草檄書風雨間尚怪彗星干北極初疑浪語動西關莫教百姓煩騷屑掃蕩嘉陵自好還

夢樊川公

風前把袂共登樓問我槎詩整頓不語次不提過劫事

脣稜尚蹙此時憂燈前隱映蓮花發枕畔潺湲澗水流

境淚難收

舊遊歷歷滿窓中我夢公靈來往同罇酒多空傾北海

白翁詩抄卷之五

夢中木蓮花盛開鳴玉亭下澗水細流覺來猶恍惚在眼

心香盡藝薦南豐百千萬劫灰猶黑二十四番花自紅
宿世情根除可得每當佳節却無窮

扶桑遺恨獨徘徊公與同遊更壯哉寧負名山佐須浦

不孤明月永嘉臺江醪痛飲百千盞

命酒俱是上色是巒紙分題十萬枚文采風流成索莫誰能起得

九原來

樊川文酒百年期火劫風輪只剩悲公已仙遊堯率界
我今怖死亂離時忍言此酒那堪勸欲定吾文誰復知
可與少季治筆硯冥冥應笑白頭痴

清遠亭秋日

芳遊屬過境池閣隱蒼烟秋鳥聚還語曉蟲清不眠香
殘燃欲細壺重挈知偏光景半蕭颯那能幾十年
閑望窮斜照微晴翳數烟柳魂銷遠別山色破新眠病
酒風流盡耽花性癖偏自從頭白後不復問行年
為見紅蕖發閒人動似烟涼風誰與善細雨自教眠虛
境蟬聲繞斜暉樹影偏前遊多悵惘今復憶前年

汶舍洪孝廉紀榮緯三昆季同舟來訪畱宿酣飲

次放翁韻共賦

可道交情薄似紗鞦尖不肯踏東華孤懷幾夜惟懸月
望眼秋來却翳花携得蓮峯輸好句汲來江水試新茶

君看庭畔釣竿竹契活漁翁浦上家

中外青山不設門雲霞起處一絲痕
畱看竹色移遊袂快遣江光散碧鱗
換骨秋風輕四海傳神曉月掩孤村
新詩脫手呈汶上今世靈光見獨存

清水村舊舍有感雜絕

不見故妻在徘徊庭宇寬生憎明月影猶照一樓寒
欲畱自悵悵欲去復悽悽弱雲無處着獨鳥與影棲
畜鷄及種黍聊為偕隱樂卧念虛堂月令我更濶落
柳庄值歲荒為余釀斗酒未須舉一盃醺然情已厚
漸覺騎牛穩自堪田舍翁京都矜駟馬閒意未曾同

小吏弄刀筆村閭不自安龔黃治一本未將守宰看
勅米色從麤旱田灾半減賢哉觀察使纖悉無遺憾
秋江風雨蕩不及彼要津簞笠無憂物蓑衣不染塵
篩酒濃於粥劈蟹醬如菜縱識田家樂行年已望七
漁蓬泊杏洲買肉醪浮白鯨膾地黃酒忽憶馬州船

次春樹樓趙哲永韻

知君持被日酒伴挈詩朋嗅蕊春猶在覘晴雲不凝廢
笙纖似妓醉筆禿於僧歸去不須燭月華衣上澄
大千世界內來往數三朋酒事諸緣淡年華亂髮凝吟
高君是鶴花落我如僧看月眼衰老曉天同碧澄

送別申紫霞

韓八燕

行塵悵望未能從，讀史中州似舊蹤。
英傑已過春酒灑，山川因勝彩毫濃。
醫巫閭外惟烏鵲，皇極殿頭皆蟒龍。
垂老難容奇氣放，青邱苦恨小提封。

龍灣流水不濡車，誰道中原天上如。
輕別玉堂同八直，吉行銅闕已陞儲。
會心名勝三分酒，過眼山川萬卷書。
烟靄應迷飲餞處，半途回看鴈飛初。

送柳貞碧

最寬

隨价入燕

出門天下大懷抱，八秋風塞鴻飛帖帖。
薊酒碧翁翁奇士髮，猶雜新書語半叢。
紫霞有慧眼，萬里與君同。

奉答松園公惠酒

并小記

乞酒於公惠以竹，瀝酒一大壺及坼封泥乃梨。
薑釀亦復佳矣，連倒四盃酒沁于心。詩隨出焉。
其感可知。昔庾子山奉答賜酒詩云：此恩無以
謝，但知就竹林之句，只一篇而已。此詩雖蕪拙，
篇數加三，此恩或可當謝耶。

滿壺春色挈來重，求得今朝喜可知。胃裏擬成千幹竹，
掌中翻化五升梨。流星落椀驚何定，甘露承盤待亦遲。
劈脯燒魚併沾丐，感恩不已詎云嗤。

已知善釀即名家，何郡封來印道斜。瓶史殺青無竹葉，

醉鄉生白是梨花自看衫影同翩鶴乍覺鬢華回老鴉
除拜由來大司馬步兵能代阮銜耶

時松園為兵部尚書故末句云

再疊

古來載酒問奇字此事寥寥公獨知變化無端仙子杖
恩榮尚數大家梨攜壺屢覘奴顏改洗盞猶嫌婦手遲
快果所成須冷飲更羞蒸食被他嗤
枯腸數去醉公家還復笑看冠影斜前世有因成正果
此生無蒂等空花善心救濟憐如蟻饑噪荒寒媿似鴉
好酒撩人狂語發未知藻鑑謂何耶

文峯與汶上

洪都正樂倫號

翁同作諸少季亦賦東役後

初集

借君蹇衛更尋君依舊衡門溪水分醞醪剩沽須好句
蓬瀛未到少奇聞名花盡落惟啼鳥明月將斜始散雲
鹿隱應沾西店雨

時洪江西聞余來自城趁約號鹿隱

老懷怊悵久離羣

復拈宋人韻

苦索狂詩惱據梧漫消一夜酒乘壺溪水不禁閑鷺盪
春風未及晚花孤老去破爐應走汞貧來空槽已亾珠
讀書伴侶季來少林下周旋君與吾

世情漸淺把盃知芳樹濃陰亦一時映發君詩花在鏡
婆娑我鬢柳爭絲海中自覺仙人妄天下孰為男子奇

莫笑崦嵫榆景晚風流季少許羣嬉

輓金尚書松園公

祭文附

維歲癸酉四月二十三日完山李某操數行文
隻鷄卮酒哭訣于松園金公之靈曰嗚呼痛矣
公昔在世我爲完人公今乘化我爲半人公喜
踈宕公是古人公憎齷齪公豈今人同庚垂白
未見似人徊徨躑躅我爲何人殼漏虛物不昧
千春閑曠之地常欲結鄰今焉已矣山皴水鄰
還顧宇內又何多人嗚呼痛矣詩曰

奕世倫綱重大家詩禮名羣心爰作相緩步乃爲卿談

笑春風至緒餘治化成公今何遽去天不欲昇平

風儀何俊整清約自持安試士皆傳誦按藩咸得歡危
時扶大節頽俗遏狂瀾不忍爲時態慙他做大官

文史將娛老蕭然獨閉門功名爲外物忠孝乃天根最

被先朝德不由當路恩飲來井水處孰不識松園

名節從先業文章自老師追思孟光德肯負樂公知逼

眞右軍帖酷肖放翁詩但許遊嬉看孰從高處窺

頭白父寃訟誰能爲半辭人皆避傳染天亦厭支離與

我周旋力乃公矜惻之此恩無路報陰德後昆垂

公心本敞朗交契自虛閑喜說田家樂淡知世路艱許

飲盃涵月和詩硯對山泠泠佩玉意常在布韋間
舉朝爲大賢風局亦神仙開口心無隱奮髯言不然公
私畫禹畧義理判龍淵大有可觀處鹽梅未及煎
倏然一夕化倘復見 先玉搖曳霓旌下趁蹌象設傍
碁枰翻覆易陵谷變遷忙痛哭仍流涕英靈敷奏詳
邦國已知悴民生誰復憂山頽將底仰樑折更何休舊
札漫藏弄遺篇絕唱酬山邱華屋慟北洞是西州
行色似偕隱丹旌新舊訛漢江流浩蕩驪岫碧嵯峨奠
婢採蘋薦榜人爲輓歌同庚後死恨眼淚散千波

金明遠 照見過

今朝先識故人尋鵲語查查踈雪林北巷覓音雙屨在
南山顏色一廬淡酒盃未了人間事梅樹應知我輩心
已厭浮生多閱歷喜看衰鬢歲華侵
過境迢迢不可尋春來風雨滿東林未遊天下看書盡
詎向山中隱酒淡馬島雲蒸蠻子氣燕京雪灑俠人心
兩家詩草今俱在閱去應須曉漏侵
落落東西何處尋初如二鳥共棲林艱求我酒攢眉細
畏見君詩納手淡山外欲隨明月影塵中猶作白雲心
空階一尺蒼苔色絕喜雙鞋日見侵

有感

未知日月幾何殘
舊製我衣無復完
不羨他家三婦艷
我憐當日一兒寒
梧桐冷雨悲零落
蟋蟀殘宵話苦酸
二十八年如昨夢
吾猶不死喜重看

讀雲臺詩軸追寄趙羽堂

秉鉉

公然鎖直杏花時
春色寧能爲我遲
烏帽籠來達觀笑
青鞋飛處散仙知
高歌天末奇雲住
行酒山前急雨垂
圓坐綠蕪看似缺
回頭暗恨是誰思

坐對園扉赤土牆
令人一夕髮如霜
蕭條偏側生東國
文采風流見羽堂
紅萼欲供千眼佛
青山爲畫十眉粧
芳遊却羨無虛日
獨負佳辰員外郎

聞明遠拜峯官居邀晚兒同賦十詩遂和寄

逢君輒大笑
鬢畔雪同過
千里馬應老
九方臯不多
雲林隨縱飲
日月送閒哦
誰挽三唐運
痴人效李何
我屋舟橋上
君曾日日過
神遊天下小
歌曲百季多
妻皆憐酒病
鄰不惱詩哦
交道散還聚
餘生果若何
相馬驪黃外
知君莫我過
奇才間世出
老眼閱人多
塵劫幻三界
風雲變一哦
鄭園沉醉夕
評泊未知何
喜君元倜儻
奇氣古人過
但恨酒錢少
寧知馬足多
坐須萬卷擁
行與二松哦
每恐歡娛盡
流季奈汝何
千里孰先騁
馬曹官不過
鹽車力已盡
鼓駕寵猶多
孤

憤人皆笑我聽君復哦詞垣掉鞅去慧眼辨陰何

次贈李孝廉 啓宇

邈矣二王何可攀今看變相霧中斑奇情迥出塵埃外
秀氣橫生竹石間名士風流飄錦帶佳人姿態整雲鬟
晴窓愛欲新臨蹋十指如縋移泰山

趙洞天 乘璜 來與之賦詩

風雨一番如許涼秋詩能使幾人傷蟬聲晚暮徘徊曲
鴈字春秋斷落章衰髮終難看鏡綠寒花遲欲把盃香
小池光景遙爭勝浸動南山一點蒼
犁然晚契共忘季冉冉舊遊過眼烟梧葉盡飛誰復記

蟲吟互答我何眠醉魂飄蕩霑露踈雨詩寶玲瓏通碧天
倘得金丹延壽術只要觀世不要仙

洞天歸後有餘紙漫寫

遐心不盡碧天涯倚醉題詩字半差未識秋風來底處
還看明月在吾家那堪此夕聽飛葉却怪前遊惜落花
自笑醒來多妄想中冷水與密雲茶
終南幽徑夕霏晴所謂伊人與目成佳約月圓完壁影
高吟笛散倚樓聲君心漢水連千里我恨秋風吹一生
屈指奇才元不易尚求異代况同城

酉堂金尚書 魯敬 初度臘月十七日見招有詩

泊翁詩集 卷之五
十里但持一笑去琴湖晴色滿柴門緣溪赤岸如曾到
情重青山欲與言雨散風收纔過劫鷄鳴犬吠自成村
我公今日宜歌頌才退年殘豈敢煩

次陶雲汀百花潭韻留示權晶山

名永佐
字左衡

奇氣崢嶸酒滿觴如今老死着東方風流不盡殘春色
光景無多抵夕陽芳草微微經雨濕高花冉冉過雲香

陶詩吳卷吟哦久留聽晶山屨響廊

晶山留期未來留
觀陶舍人吳學士

詩卷故末
句及之

陶吳遐想瀝飛觴悵悵伊人水一方山海限之當暮境
文章爛矣暎秋陽鍾鳴撤曉敲餘響花發逆風傳異香

望蜀杳然仍憶隴羨看高鳥度長廊

三月三日

舍妹祭日

可憐行素日祇惜踏青辰何似飲脩竹未須歌麗人病
中花自發晴後月應新詩就寄同好吾終不負春

與鄭彌山

滿

赴招華溪

吾年默數半遊東詎取松間細徑通舊聽菴鍾聲不盡
新知谷鳥語還同雨晴定為佳賓至花落因疑勝地空
約與彌山相對飲森森往跡現盃中

次呈李尚書

堯憲

送酒絕句

霽醉芳鄰荷盛情自知未必勝公榮朝朝許領三升醞

白翁詩抄

卷之五

三十一

書娛軒藏

白首甘爲一老兵

鎮日門庭如水清誰知金印在腰橫從公泛愛忘麤鹵
又發狂言是麴生

南鄰諸友共至遂開酌命韻

老去梵書熟貧來麴侶稀夢涼聽雨簾唾碧話山衣好
月誰能看頑雲不肯歸經過非韻士未可捐柴扉

和李聖鄰

鼎臣

定交梅樹下園邇板扉遐已識心如玉翻驚筆有花咳
音疑曉鶴鬢色媿林鴉囊底青銅少誰憐酒不賒
令公不好武文士得優遊夙契李昌谷前身趙倚樓月

斜生酒渴梅瘦對詩愁可以卜良夜吾廬清且幽

仰謝楓臯相公惠扇

蒲葵多敗葉襜褕本來窮折節撲驢上漏光行日中高
才須贊雪清德欲揚風生怕赫炎熱吟詩苦不工

洪天賚鄭清夫見過同作

菊人字天賚彌山字清夫

莫笑婆娑白髮垂少季詞疊更添奇携來明月無可飲
看到梅花自在詩漫嗅柑香仙榜缺祇談鯨膾海舟移
絕知名勝紫霞洞須卜清遊與我期

次趙奇玉

學琦韻

喜君閑性少相親獨許青山與結鄰奇石對頭如揖客

帝禽匿影似嗔人詩多僧字塵緣澹癖有梅花慧業新
但恐酒顛不吾怒澹來樓壁吐來茵

和寄李紫琳鼎寅韻

東鄰人似玉宿昔未堪忘名酒易為德新詩別作芳劍
靈龍自合香遠麝難藏但恨投分晚幾回任我狂

陪楓閣遊玉壺洞

洞天三十六獨愛玉壺清閱歷花為史陰晴月入評城
闔得絕境軒冕見高情憐我作詩苦饑來不噉名
仙居山更好風度與誰鄰安石不攜妓元規敢汗塵半
輪詞客月一席酒人春泛愛容畸跡騎驢澗水濱

浪遊方外久百拜華山光殘客終懸榻高談自上床文

章蒼玉珮契活紫芝香澹若無憂世霜髭見點蒼

玄天只尺五更覺北山高莊是輞川靜詩誰夢得豪圖

書曬石壁鷄犬入松濤俯視迷烟霧南柯着夢牢

竹石徐尚書榮輔寄示梅詩律絕各二首即日和

呈

炯然心事白頭知逢處蕭閒語不枝慧業玲瓏看自悟

痴情顛倒說相思多季獨潔迷塵界永夜孤明踈雪時

草木世間驅使盡花前艷體更吟詩

清香可以引遊仙一見塵中是宿緣靈氣從來分雪月

羣芳散去作風烟閑愁不亂白頭後佳句復尋踈影前
未使青紗龕裏貯那禁袖手入寒天

塵障劇知足有情依微相見眼還明天真偶似翁公畫

縱使仲圭模不成竹石公龕中花酷似陳眉公所畫云未句及之

風氣灑然林下至羣陰掃盡倡孤芳素心不改塵沙劫

肯數閑花弄紫黃

洪今軒樂有偶過口呼

破屋青山入衰毛白雪侵巷沽新熟酒橐有遠遊金不
改江湖韻自多風雨心倚樓傳好句乘興出東林

無題

春猶難遣况蕭晨行若憑虛無着身萬里未成江上別

八季猶向夢中親葉飛故里仍為客月滿虛堂不見人

點檢一生多涕淚又將數掬剩沾巾

懷麓可堪秋雨晨孤墳悽惻較吾身情隨境現應相識

影與想來如復親舊契還拋為異物餘緣可遣屬他人

幽愁那得傾家釀遺掛空傷漉酒巾

柳檢書本學過同拈

冉冉春光自好還枯筇祇合置巖間淡林向晚呈紅萼

虛閣乘清集碧山顧影酒波憐點滴詠詩琴韻喜幽閒

眼塵心垢皆消盡叵耐逢場老醜顏

斗臣自牧場來拈簡易韻海役後第一吟也

衰年厭薄俗悃悞欲無文今夜不孤月是身都散雲乘

槎誰識我騎馬易知君豈畏關西賊詞垣張一軍

踈梅寫月影滿眼是奇文說劍回飛雪行盃住斷雲虛

名誤是我詩道屬之君醉後橫斜筆不須王右軍

俱為卓犖士焉用雕蟲文我詠已窮野君知勝後雲無

方備它盜何面報吾君草木關西路風聲作我軍

詩人判不畫麟臺泥醉惟堪卧碧苔千里關山多虎落

一行滄海見鵬迴世間我已惱生老林下君能閑往來

新茗偃旗蔬解甲淋漓此席可重開

具綾山 行遠 李絳茶 祖默 見過

病骸叵耐苦炎侵詩侶翻驚陋巷尋曳履先迎紫閣色

虛襟已會碧雲心風光聚散回秋氣花影低垂尚午陰

却憶吾兒茗雪境未知茶酒幾篇吟 時晚兒適赴湖上之招

沈小楠 能淑 為泰仁宰寄詩與酒錢謝之

老去未曾置後期使君佳句起相思移來蘭洞吟詩處

那及楠園把酒時遠夢悠揚隨月影芳遊迢遞贈花枝

青銅五百終嫌少憨醉其餘摠不知

永明洪駙馬 顯周 海居齋畫集

未接聲光若古今我情還較海齋淡新秋遽至驚山氣

久雨纔經畏日陰高士惜名如白玉達觀重義幾黃金
逢君未可輕虛度力疾含毫始一吟

翠微老屋紫苔侵佳賞此時何客尋倚晚片雲多異色
弄晴幽鳥動遐心山根淡巷餘紅藥水影空庭盡綠陰
已教不唾清冷地誰有新詩着一吟

泊翁詩鈔卷之五終

